

Elkəttab wa n Ənəfilal Əsənti d assalaman

Əsənti

¹ Elkəttab wa tidət təxbârat a mosan salan win t-əhanen, amaran Ƴaysa Əlməsix a tan-isannafalalan. Məşşina a t-issosanan daƷ tidət ta, fəl ad assaknu inaxbidan-net aratan a z'aginen daƷ azzaman wər nəggug. Ƴaysa Əlməsix a issosanan aratan win y ənaxbid-net Yaxya s əsuki wa t-id-iga angalos-net.

² Arat kul wa inay Yaxya da, illikan as awal ən Məşşina a imos, illikan deƷ as təgəyya ən Ƴaysa Əlməsix a imos.

³ İbbilal wa iƷarrin s əməsli idkâlan isalan win nafalalnen daƷ əlkəttab wa əşşewalnen daƷ batu n aratan win əmərədda əd win d-əzaynen! Əbbilalan win das-sasammen, əbbirdagan-as, fəlas alwaq wər iggug.

Assalaman

⁴ Awa nak Yaxya, a din-iktâban y Əlkənisaten a n əssayat əhanen akal n Asəya. Əməli s ənta a t-illan kala da, ill-ay deƷ əmərədda, amaran ənta a d-izayan, a daƷ əgmayax a dawan-agu arraxmat d alxer. Təgrəwamet arraxmat d alxer Ʒur əssa ərruxanitan win əllanen dat təxawit ta n taƷmar n Əməli!

⁵ Təgrəwamet-tan deƷ Ʒur Ƴaysa Əlməsix, imosan təgəyya təssiflasat, imos deƷ Barar wa n axafadday a d-inkaran daƷ təmattant, imos əmuzar ən mənokalan n əddənet. Ƴaysa

Əlməsix ir-anax amaran isaddarfat-ana day bakkadan-nanax, əs təkutay ta iqqal əzni-net.

⁶ İg-anax imənokalan əd limaman i Məşşina di n Abba-net. Ənta a ilan tanaya, azzar y arat kul har faw! Amin!

⁷ Ənta əddi a d-izayan əddi iha-du şignawen.

Aytedan kul ad t-ənəyan

harkid win t-ədagnen saxxarabben-tu əs təzoli.

Tawşeten n əddənet kul a fall-asnat tagu təfəyyawt

day talxa n awa t-igrawan.

Awalla awen day a igan. Amin!

⁸ Əməli Məşşina ənta a innan: «Nak a imosan Alfa, əmosa dəx Omega, almaşna wa azzaran, ilkâm. Əmosa wa t-illan kala da, əmosa wa t-illan əmərədda, əmosa dəx wa d-izzayan; əmosa Məşşina di n əməli ən tarna kul.»

Aratan win nafalalen i Yaxya

Ənəfilal ən Wa d-Inkaran day tamattant əd şira əkkanen İlkənisanen şin əssayat

Ənəfilal ən Wa d-Inkaran

⁹ Nak Yaxya, amadray-nawan a mosa, əheş təssust zun ta day təham, ədrâwa dər-wan Taymar ta n Məşşina əd zəmmerat. Awen kul ədrâwaq-qu dər-wan day tərtəyt əd ʔaysa. Əheş akal imosan gər-wətlan as itawannu Fatmos fəlas emel a əgeş awal ən Məşşina, əmosa dəx təgəyya n awa iga ʔaysa.

¹⁰ Əzəl n alxad imosan əzəl iskâtan y Əməli, tobaz-i tarna n Infas wa Zəddigan ən Məşşina, əsleş dəffər-i y əməsli issohen olân d əməsli n anasax n asak.

11 Inn-i əməsli wen: «Əktəb dəy əlkəttab awa təhannaya da, təsəssiwəyaq-qu y Əlkənisaten a n əssayat a tanat-imosan: ta n Efez əd ta n Əsmurna əd ta n Fergamos əd ta n Təyatir əd ta n Sardes əd ta n Filadelfəya əd ta n Lawodikəya.»

12 Malallayax-in y ad əssənax awa imos əməsli wen. As din-malallayax, ənayax əssa səkbəl ən fətəlaten əgānen dəy urəx.

13 Ogge dəy garegaray-nasan azzat tolāt əd ta n aggadəm. Azzat ten, təzlāg təkadkat zagret, totāb idmaran-net s əsatəb n urəx.

14 Eɣaf-net əd jəkkad-net əgān təməllay ta n təduft, madəx təməllay ta n əx. Şittawen-net olānat d abalagleg ən təmsay.

15 İdaran-net imilawlawan zun darox illixlayan, ikna səllul, əməsli-net amaran ola d əjit zəwwəran n aman aggotnen.

16 Əfus-net wa n əxil əhan-tu əssa etran, imi-net təgammad-t-idu takoba təkənāt tawala fəl əşšin fayyan-net. Udəm-net iga əmələwləw wa n təfuk a du-təkənāt əzərəyyi.

17 As t-ənaya, fataqqe ɣur daran-net, zun əs əgmādan-i man. Təzzar issəwar-i əfus-net wa n əxil, inn-i: «A kay wər təggəz tasa! Nak a imosan wa azzaran, əmosa dəy wa ilkaman.

18 Əmosa wa iddaran! Kala a di-aba, mişan əmərədda, nak da iddaran da, har faw! Əttāfa tanat ən təməttant d alaxirat.

19 Dəy adi əktəb awa təhannaya, gər za wa itaggin əmərədda, wala dəy wa d-izayan.

20 Ənta da almayna n əssir wa n əssa etran win əhanen əfus-in wa n əxil d əssa səkbəl ən fətəlaten win əganen dəy urəx: Əssa etran win,

əmosan angalosan win əssa n Əlkənisaten a n əssayat, amaran isəkbəl ən təfəlaten win əssa əmosan Əlkənisaten a n əssayat iman-nasnat.»

2

Şirawt təkkât Əlkənisat ta n Efez

¹ Əktəb y angalos n Əlkənisat ta n Efez as: «Arat da wa inna wa ittəfan etran win əssa dağ əfus-net wa n əxil, ijiwankat gər səkbəl ən fətəlaten win əssa n urəx:

² "Kawanay kəl-Əlkənisat ta n Efez, əssâna dağ mazalan-nawan, d əşşəxələn win təgam, əd zəmmerat-nawan. Əssânağ âs wər təqbelam inəllubas, tətajarrabam dəğ win ənnanən əs bahu əmosan inəmmuzal. Təsattaddam as bahu a taggin.

³ Təmosam Əlkənisat təzmarat y aratan kul. Təyyəwanam alyazab fəl əddəlil n esəm-in, mişan wər sər-wan d eway awen tewaxlay dəffər-wan.

⁴ Mişan ya ill-ay arat a dağ-wan əşşâka, a t-imosan şiyit ta təgam tara ta kawan-təhat əstizarat.

⁵ Dağ adi, a din-wər-tattawim igəğ wa din-təgam dağ igi ən bakkadan! Utabat, tərəzam dağ igi-nasan, ad tətəggim imazalan olaxnen win tətəggim harwa dağ tizarat. As wər tətubam, wədi a kawan-in-asa, əkkəsəğ əsəkbəl ən fətəlaten-nawan dağ adag-net.

⁶ Dər iga awen da ya, təlâm əlxislat tolayat a tat-imosan as təkyâdam imazalan âs nak da əkyâdaq-qan win taggin aytedan win Nikolayi-tatan.

⁷ Wa isallin aslet y awa inna Infas wa Zəddigan y Əlkənisaten: "Wa d-ornan, ad t-aşşatşax ara n aşək wa n təməddurt, ihân aljannat ən Məşşina."»

Şirawt təkkât Əlkənisat ta n Əsmurna

⁸ Əktəb y angalos n Əlkənisat ta n Əsmurna as: «Ənta da awa inna wa imosan wa azzaran, imos deyx wa ilkaman, aba-tu inkar-du dayx təmattant:

⁹ "Kawanay Kəl-Əlkənisat ta n Əsmurna əssâna dayx təssust ta kawan-təgrawat, d əlləqqəw-nawan labasan. Mişan arat wa imosan tidət, as iməggərgas a təmosam! Əssâna dayx ərrəbdan win kawan-taggin aytedan win ganninen əmosan Kəl-Əlyəhud əs bahu, əntanay amaran wər əmosan ar tiddawat ən nalkiman n Aşşaytan!

¹⁰ Ad wər tiksadam alyazab wa dayx-wan ilkanman. Səsəmat, kəl-Əlkənisat ta n Əsmurna! İblis a kawan-ajjarrab s ad agu arat dayx-wan dayx kasaw. Ad tagim maraw adan tətihadgazam. Əxdəlat dayx əzəgzan-nawan iket təddaram, əddi a kawan-akfəx aroz imosan təkəbbut ta n annajax.

¹¹ Wa isallin aslet y awa inna Infas wa Zəddigan y Əlkənisaten! Wa d-ornan, wər z'iggəz Jahannama."»

Şirawt təkkât Əlkənisat ta n Fergamos

¹² Əktəb y angalos n Əlkənisat ta n Fergamos as: «Arat da wa inna wa ilan takoba ta təkknât tawala fəl əşşin fayyan-net:

¹³ "Kawanay kəl-Əlkənisat ta n Fergamos, əssâna dad təllam, amaran əddi dayx ad təlla

taymar n Aşşaytan. Təsigatakkem daɣ tar-rayt ta-nin. Wər təmməzzəyam d əzəgzan sər-i. Təttafam əzəgzan-nawan harkid daɣ azzaman win daɣ tawaggan man n Antifas, imosan ənalkim-in iydâlan, imos deɣ təgəyya-nin. Itawanyə daɣ ayğrəm-nawan, imosan dad illa Aşşaytan.

¹⁴ Mişan ya, əllan-tu aratan a daɣ-wan əşşâka, a tan-imosan âs: Əhân-kawan aytedan əlkâmnen i tarrayt ta n Balyâm s ənta a isassağran əmənokal Balaq əmmək was z'agu taftaw i Kəl-İsrayil y a tan-isəssugu abakkad. İg-asan təmərkest a fəl z'atşin isan əmmidasnen ən təkutawen tiwagganen y əssənəman, agin deɣ əzzəna.

¹⁵ Əmmək en daɣ as kawanay kəl-Əlkənisat ta n Fergamos əhân-kawan aytedan zizawatnen daɣ tarrayt ta n Nikolayitatan.

¹⁶ Utabat daɣ adi. As wər iga adi, a kawan-in-asa tarmad, ammagara d aytedan win di, əs takoba, a tat-imosan awal-in.

¹⁷ Wa isallin aslet y awa inna İnfas wa Zəddigan y Əlkənisaten! Wa d-ornan, ad t-akfaɣ manna təɣbârat, akfaɣ-qu deɣ təhunt mallat a fəl iktâb esəm aynayan as tu-wər-illa i t-issânan ar wa t-igrawan."»

Şirawt təkkât Əlkənisat ta n Təyatir

¹⁸ Ektəb y angalos n Əlkənisat ta n Təyatir as: «Ənta da awa inna Barar ən Məşşina, as şittawen-net olânat d abalagleg ən təmsay, amaran milawlawan daran-net zun daroɣ illiğlaşan, ikna səllul:

19 "Kawanay kəl-Əlkənisat ta n Təyatir, əssânaɣ awa tətamazalam, əssâna daɣ tara ta kawan-təhat, d əzəgzan-nawan d əşşəxəl-nawan əd zəmmerat-nawan. Əssânaɣ deɣ as əşşəxəlan-nawan win əzraynen, ogaran win azzarnen.

20 Mišan ya ill-ay arat a daɣ-wan əşşâkaɣ a t-imosan as toyyam tantut ta təgat Yezabel, təgannu tənnəbit a təmos. Təsaşayru inaybidan-in təsaxrak-kan, təsisug-en arak mazalan əmosnen əzzəna, əd tattay ən şan ən təkutawen tiwagğanen y əssənəman.

21 Əkfeq-qat alwaq ewâdan ad tutab, mišan wər tara əməzzəy d alxal-net wa n igi n əzzəna.

22 Awen daɣ a fəlas a tat-in-əssukaɣ təwərna d alɣazab əmosnen attadib-net. Win dər tənəmagga əzzəna, a sər-san d-awəya təssust labasat as wər ətuban daɣ arak mazalan win tan-təsisugu.

23 Ad əhləkəɣ inalkiman ən təntut ten. Əlkənisaten kul ad əssənnat as nak əmosa wa itamayyan iwəllan, amaran akkiyyan daɣ-wan ad t-akfaɣ awa tu-şəşşawadan mazalan-net.

24 Kawanay amaran kəl-Əlkənisat ta n Təyatir win wər nəlkem i tarrayt ten, za wər təzdayam aratan win as gannin aytedan win den 'əssiran win din-əggugnen n Aşşaytan', arat da wa ənne daɣ batu-nawan: wər kawan-əssəwəra lahan iyyan.

25 Zəzzəwətət ɣas daɣ əzəgzan-nawan har din-asa.

26 Wa d-ornan ilkâm y alwajiban-in har təzərəst, wədi ad t-akfaɣ tizart i tawşeten n əddənət.

²⁷ A dasnat-izar əs taymar təkñât assahat, addagdak-kanat zun təkan ən talaq,

²⁸ s əmmək as di-ikfa Abba-nin tizart. Ad t-akfa deḡ atri wa n aḡora, almaḡna a dər-əs ədrəwa taymar-in.

²⁹ Wa isallin aslet y awa inna Infas wa Zəddigan y Elkənisaten!"»

3

Şirawt təkkât Elkənisat ta n Sardes

¹ Ektəb y angalos n Elkənisat ta n Sardes as: «Arat da wa inna wa ilan əssa ərruxanitan d əssa etran: "Kawanay kəl-Elkənisat ta n Sardes, əssânaḡ imazalan win tətəggam. Itawannu 'Elkənisat ta n Sardes təddar', kawanay amaran zun as aba-kawan.

² Ənkədat, təsəssuhem awa dawan-d-iqqiman daḡ aytedan. Ad wər iḡrəd adi ketnet təmattant, fəlas əgreq-in as waliyyan daḡ mazalan-nawan, wər imos arat ikmâlan dat Əməli-nin Məşşina.

³ Daḡ adi, aktiwat Əlinjil was təslam d əsəssəḡri wa təgrawam. Aḡədat daḡ-as, tutabam. As wər tənkeram daḡ etəs, a din-asay əheḡ əlmital n abaydag, wər za təssənam alwaq wa daq-qawan in-z-əḡdəra.

⁴ Dər iga awen da ya, əhan-kawan aytedan âs harwa da wər əmməzrayan Məşşina. Win di a dər-i idawan, əmosan isamlalan, id əhoran d awen.

⁵ Əmmək en daḡ as wa d-ornan ad alsu tabdoq təgat təməllay təsiraqqet, amaran wər z'əməsay esəm-net daḡ əlkəttab wa əhan əsmawan n aytedan win əgrawnen təməddurt

ta təxlalat. Ad əqbəla dat Abba-nin, d angalosan-net âs awedan wədi i-nin.

⁶ Wa isallin aslet y awa inna Infas wa Zəddigan y Əlkənisaten!"»

Şirawt təkkât Əlkənisat ta n Filadelfəya

⁷ Ektəb y Angalos n Əlkənisat ta n Filadelfəya, as: «Ənta da awa inna wa imosan əmizdag, imos tidət, amaran ənta a ittafan *təsassarut ta n əmənokal Dawəd, s ənta âs, as olam arat wər t-illa i ifragan təməhirt-net, as ihar dəy wər t-illa i ifragan allam:*

⁸ "Kawanay kəl-Əlkənisat ta n Filadelfəya, əssânaş imazalan win təgam, əssânaş as wər təlem şixurad aggotnen, dər iga awen da ya təxdâlam dəy awal-in, wər di-tənkuram. Əssənət za as olâmaş-awan təsəhərt, as wər t-illa i ifragan təməhirt-net.

⁹ Ənəyat, ənta da awa z'agin: tiddawat ən nalkiman n Aşşaytan, a tat-aga dəy fassan-nawan. Gannin əmosan Kəl-Əlyəhud ənta wər tan-əmosan, taggin bahu. Ənəyat, ənta da awa dasan-z-aga: A tan-d-assaglaş, əssəjədan şur daran-nawan, amaran ad əssənan, əqbəlan dəy as areq-qawan.

¹⁰ Dad zamas təlkâmam y awal-in omaran əs zəmmerat, wədi nak da a kawan-agəza dəy tamert ta n jarrabatan win d-əzaynen əddənet ketnet, fəl ad iqqəl awen jarraba əgeş y aytedan n əddənet kul.

¹¹ A din-asa tarmad. Akniwat əzəzzəwi dəy awa təlam, fəl a dəy-wan wər abəz awedan waliyyan aroz-nawan imosan şikəbba-nawan şin tarna.

¹² Wa d-ornan, ad t-aga təgəttawt dəy ahan n əlxibada ən Məşşina di n Əməli-nin, amaran wər t-idu-z-igməd har faw. A fall-as əktəbəy esəm ən Məşşina di n Əməli-nin, d esəm n əyrəm n Əməli-nin Məşşina, a t-imosan Yerusalam ta tay-nayat, a du-təzzibbet dəy jənnawan, isisaway-tat-du Əməli-nin, əktəbəy dəy fall-as esəm-in wa aynayan.

¹³ Wa isallin aslet y awa inna Infas wa Zəddigan y Əlkənisaten!"»

Şirawt təkkât Əlkənisat ta n Lawodikəya

¹⁴ Əktəb y angalos n Əlkənisat ta n Lawodikəya, as: «Arat da wa d-inna was itawannu "Amin", s ənta a imosan təgəyya ta təxdalat, təmos tidət, amaran ənta ələsəl n əkkulluk n arat:

¹⁵ "Kawanay kəl-Əlkənisat ta n Lawodikəya, əssânaş awa tətamazalam: Wərməd təsəmmidam, za wər təkkusam. Ənnar təsəmmidam madəy təkkusam!

¹⁶ Mişan dad zamas təlimzayyanam, wərməd təsəmmidam za wər təkkusam, wədi a kawan-d-afsa,

¹⁷ id a təgannam: 'Nəggirgas, amaran iman-nana a nəsgərgas. Wər nəddərar əs wala.' Awen təgannim-tu fəlas wər təssenam as kawanay təllam-tu d əşşud ən man, təhoram d i dawan-ihanatten, təmosam şiləqqawen, təddiryalam, wər tələsem wala.

¹⁸ Əgəş-awan ənnəsixa n a şur-i tazzanzim urəş wa itawajarraban əs təmsay, fəl a sər-əs taggərgasam, tazzanzim şur-i dəy tabdoq mallat, fəl ad talsim, ib-as kawan-tətabaz təkarakit n

as təzzafam, tazzanzim xur-i deyx amagal a za təzwəyam i şittawen-nawan, iqqəl-kawan-du asawad-nawan.

¹⁹ Nak, aytedan win arex, əntanay a fəl şawala, suxulaq-qan-du tarrayt. Daş adi akni-wat gəlleyat, tutabam.

²⁰ Ənəyat! Nak əlley xur təsəhərt n ahan takawkawaq-qat. As di-İsla awedan, olam-i ehan, ad əggəzəx aqaywan-net, ədrəwa dər-əs təməklawt.

²¹ Wa d-ornan, a t-akfəx tətəyt n a dər-i inəximu fəl təxawit ta n təymar-in, zund əmmək as nak da assəxa wa d-orneş, əgley nəxama d Abba-nin fəl təxawit ta n təymar-net.

²² Wa isallin aslet y awa inna Infas wa Zəddigan y Əlkənisaten!"»

4

Awa du-z-inəfiləlan daş jənnawan

Ənəfilal ən təxawit ta n təymar ən Məşşina

¹ Dəffər awen ənaya təsəhərt tənnołamat daş jənnawan. Əsley y əməsli was əsley dat awen, olān d anasəx n asak. İgann-i əməsli wen: «Gəzay-du sa da, a kay-assaknəx arət was kundaba iga dəffər awa.»

² Wala ihoggan tobaz-i tarna n Infas wa Zəddigan, oggeş təxawit ən təymar ta təhat ijənnawan. Təxawit ten iqqim fall-as awedan.

³ Wa iqqiman fəl təxawit ten, iga əmələwləw a n təhunt iyyat tələt almaqam, as itawannu jasfa

d iyyat as itawannu sardwan. Təxlay-tat təzzəl-
adar a du-təsaktit təhünt iyyat təmilawlawat
təlât almaqam as itawannu emrod.

⁴ Təxawit ta n taɣmar en, əxlaynat-tat sanatat
təmərwen ən təxawit ən taɣmar d əkkozat, a
fəl əqqıman sanatat təmərwen n əmɣar d əkkoz
ən samlalan, əssiwarnen şikəbba ən taɣmar
əgânen daɣ urəx.

⁵ Gammadan-tat-du esman əd maslan d egga-
gan. Əryân dat-əs əssa belan ən təmsay,
əmosnen əssa ərruxanitan ən Məşşina.

^{6a} Təxawit ta n taɣmar en, oray-tat-du arat olân
d agaraw imilawlawan wəllen, igân əxətəs a n
təlfənjart.

^{6b} Ammas-net əd xələyxələyan-net əhân-
tan əkkoz mudaran as ilamawan-nasan əlsân
şittawen sa sər dat, əlsân-tanat deɣ sa sər
ələqqam.

⁷ Əmudar wa azzaran ola d ahar, wa n əşşin
ola d əhəri, wa n karad amaran isakta-du udəm-
net wa n aggadəm, wa n əkkoz ola əd tənagmart
təggâdat.

⁸ Amaran imudaran win əkkoz en, əkkulluk n
iyyan daɣ-san ila sədis əfrutan əlsânat şittawen
sas ammas əd sas afalla. Wər təfəstin ehad ezal
gannin:

«Əmizdag, Əmizdag, Əmizdag,
Əməli Məşşina s ənta a imosan
məşşis ən tarna kul,
imos wa t-illan kala da,
imos deɣ wa t-illan əmərədda,
amaran izay-du!»

⁹ Æssiggadan daḡ tæmmalen ən tanaya əd saḡmar əd godan i Məššina, s ənta a iqqiman fəl təxawit ta n taḡmar, ill-ay har faw.

¹⁰ Amaran id əssəggadan mudaran win den, ad əssəjədan əmḡaran ḡur daran ən wa iqqiman fəl təxawit ta n taḡmar, assansin šikəbba-nasan šin taḡmar, annin:

¹¹ Ya Æməli-nana Məššina,
kay a ihoran əd tanaya
d ətəwəsəḡmar, əd tarna,
id kay a d-ixlakan əkkulluk n arat.

Aratan kul əllan-tu əs tarrayt ən tara-nak,
amaran kay a tan-d-ixlakan.

5

Ænæflal n Æjemar d ælkættab wa təwar talxatimt

¹ Təzzar oggeḡ daḡ əfus wa n əḡil ən wa iqqiman fəl təxawit ta n taḡmar ælkættab iwar akatab sa sər ammas əd sa sər afalla. Ælkættab wen əwarnat-tu əssayat təlxaṭimen, a das-əmosnen šisəḡfal.

² Oggeḡ angalos iknân təla ən tarna igannu s əməsli issohen: «Ma imos wa ewadan ad aləm ælkættab wa, aru təlxaṭimen šin t-əwarnen?»

³ Mišan wər t-illa daḡ jənnawan za wala amaḡal, wala daw amaḡal, i ifragan allam n ælkættab wen, wala inəy awa t-ihan.

⁴ Təzzar ad halla wəllen id wər t-illa i ifragan allam n ælkættab wen, wala deḡ ifrâḡ anay n awa t-ihan.

⁵ Təzzar inn-i iyyan daḡ əmḡaran: «Ayyu tala! Ænəy, ahar wa n tawšət ən Yahuda, a d-igmâdan

əzzurrəyya ən Dawəd, ənta a d-ornan, amaran ənta fadda a z'aləman əlkəttab wa d əssayat təlxatimen-net.»

⁶ Təzzar oggeç Əjəmar ibdâdan daç ammas ən təxawit ta n taçmar əd mudaran win əkkoz, daç garegaray n əmçaran. Əjəmar wen ola d əmudar igzaman, amaran ilə əssa əskawan d əssayat şittawen əmmittalnen [əssa] ərruxanitan ən Məşşina a d-issoka əddənet ketnet.

⁷ Ihoz-in y ad igrəw əlkəttab daç əfus wa n əxil ən wa iqqiman fəl təxawit ta n taçmar.

⁸ Assaçə wad igrəw Əjəmar əlkəttab, ənkarən mudaran win əkkoz, d əmçaran win sanatat təmərwen d əkkoz əssəjadən dat-əs. Akkiyyan daç-san ittâf təhərdânt, əd təkərwasen n urəç ədnâynen ađutan əzodnen taqqadnen əmmittalnen şiwatriwen ən mizdagan.

⁹ Əssiggadan daç təmmal taynayət, gannin: Kay a ihoran d agaraw n əlkəttab, tarçaç talxatimt-net, id ətəwəçzam a təgeç.

Amaran azni-nak as tərzama tədarfit n aytedən ən tawşeten kul d awalan kul əd təmattiwen kul əd kalla kul, tewayaç-qan-du əs tarrayt ta n Məşşina.

¹⁰ Təgeç-qan imənokalan əd limaman, əxbâdnen Əməli-nana, amaran ad əxkəman fəl əddənet.

¹¹ Əlasaç-in asawad, təzzar əsleç i maslan n angalosən əknânen igət. Əmosan igiman ən gimən, çilayçalayan təxawit ta n taçmar, çilayçalayan imudaran d əmçaran.

¹² Əssiggadan gannin s əməsli issohen: «Əjəmar wa igzaman iqqal takutay,

ihor d agaraw ən tarna
 əd təgərgist əd masnat
 əd təxurad d ətəwəsəxmar
 əd tanaya əd təmmalen!»

¹³ Təzzar əsleɣ daɣ amazay wen da i təxəllak
 kul daɣ jənnawan d amaɗal, əd daw amaɗal, əd
 gərwan, ganninat:

«Təmmalen əd saɣmar əd tanaya
 əd tarna har faw
 in wa iqqiman fəl təxawit ta n taɣmar
 d Əjəmar!»

¹⁴ Təzzar ənnan mudaran win əkkəoz: «Amin!»
 Əssəjadan əmɣaran əxɣbadan Məşşina d Əjəmar.

6

Talxatimen šin əssayat

Əniləm ən talxatimt ta tazzarat

¹ Dəffər awen oggeɣ Əjəmar as olam talxatimt
 ta tazzarat daɣ šin əssayat, əsleɣ y iyyan daɣ
 əkkəoz mudaran as inna s əməsli olân d eggag:
 «Iyyaw!»

² Təzzar əswadaɣ ənayax ays mallan as d-
 osa. Ays wen amawan-net ila təganzay. Itawakfa
 təkəbbut ta n tarna. Iгла, imos wa d-ornan, igâ
 deɣ ənnəyat n ad išitu annajax.

Əniləm ən talxatimt ta n sanatat

³ As olam talxatimt ta n sanatat, əsleɣ y
 əmudar wa n əşšin as inna: «Iyyaw!»

⁴ Təzzar ənayax ays iyyan igân təzuɣay ta n
 təmsay. Itawakfa amawan n ays wen fərregat
 n ikus n alxer daɣ əddənet, fəl ad tinəmənxin
 aytedan, itawakfa deɣ takoba zəwwərat.

Əniləm ən talxatimt ta n karadat

⁵ As olam Əjəmar talxatimt ta n karadat, əsleḡ y əmudar wa n karad as inna: «Iyyaw!» Təzzar əswadaḡ ənayax ays kawalan. Wa iwanan ays wen, ittâf əlmizan daḡ əfus-net.

⁶ Əsleḡ y a olân d əməsli a d-ifalan imudaran win əkkoz, igannu: «Ağanna ən təyya n alkama ḡas as itawarzam əzəl iḡrâdan n əşşəḡəl. Amaran arat wen əlqimat-net wər tokay təyya d ağanna n əşşəḡir. Widi n azzayt d esmad n alḡanab amaran a tan-wər-tədəsa.»

Əniləm ən talxatimt ta n əkkozat

⁷ As olam talxatimt ta n əkkozat, əsleḡ y əməsli n əmudar wa n əkkoz as inna: «Iyyaw!»

⁸ Təzzar əswadaḡ oggeḡ ays igân taddalət ta n yel təlhây təməllay. Wa iwanan ays wen, esəm-net təməttant, iddew d alaxirat. Təzzar tətawakfa təməttant d alaxirat tarna fəl təzunt ta n əkkozat n amaḡal, fəl ad anḡinat kərəz aytedan əs takoba əd laz əd təwərnawen əmosnen alwaba əd mudaran n əsuf win tattinen aytedan.

Əniləm ən talxatimt ta n səmmosat

⁹ As olam talxatimt ta n səmmosat, oggeḡ daw majmar wa zəwwəran n əsəqqəd ən təkutawen iman n aytedan win as tawaggan man-nasan fəl əddəlil n awal ən Məşşina əd təgəyya tolaḡat ta əgan daḡ batu n Əlməsix.

¹⁰ Ad saḡaren wəllen gannin: «Əməli, imosan əmizdag, imos tidət, har əmmay tətüluleḡ wər təwwəddabaḡ aytedan n əddənet, fəl a daḡ-san izəl əzni-nana wa anḡalan?»

¹¹ İman n aytedan win ənaya daw majmar, akkiyyan daǵ-san itiwakfa təkadkat zagret mal-lat, təzzar itawann-asan ad əşšitin daǵ təzaydart har d-andin mədrayan-nasan win dər olan əşşəxəl daǵ tarrayt ta n Əməli, s əntanay da əhan tarrayt n a dasan-tətəwəggu tanaxay zun ta dasan-tətawaggat.

Əniləm ən talxatimt ta n sədisat

¹² Dəffər awen oggeǵ Əjəmar as olam talxatimt ta n sədisat. Təzzar iga amaǵal ənəgəynəgəy labasan. Təqqal təfuk šikawalat, təga təllit ketnet təzuǵay ta n əzni.

¹³ Fataqqen-du etran daǵ jənnawan fəl amaǵal, zund əmmək as tifətəktikan aratan n ašək a fəl d-igâr aǵu issohen.

¹⁴ Ad tatankalan jənnawan, gallin zun təsalat a din-tətadit, əmmədkalan ədǵaxan kul, əd gər wətlan win əhanen igərwan, tawakkasan daǵ daggan-nasan.

¹⁵ İmənokalan n əddənet kul d aytedan win daǵ-as əlanen almaǵam əd muzaran ən sojitan əd məggərgas əd kəl tarna d eklan əd lallan, kul əǵradan alaxas daǵ kəzman d ammas n ədǵaxan.

¹⁶ Gannin y ədǵaxan, əd təhun: «Fətəqqətat fall-ana. Səlxəsət-anax ad nugag wa iqqiman fəl təxawit ta n taymar. Səlxəsət-anax ad nənəməggəg d alham n Əjəmar,

¹⁷ id əzəl wa zəwwəran n alham-nasan a d-osan, amaran məni wa ifragan zəmmerat y-as?»

7

Temeday n əgim d əkkozat təmərwen d əkkoz win təwar talxatimt ən Məşşina

¹ Dəffər awen, oggeş əkkoz angalosan əbdâdnen daş əkkozat təşəmmar n amaḍal. İttâfan-in əkkoz adutan fəl amaḍal, fəl ad wər iger aḍu fəl amaḍal, wala fəl agarew, wala deş iger fəl aşək waliyyan.

² Təzzar əswadaş sa sər dənnəş oggeş angalos iyyan itagazzayan əs jənnawan, ittâf talxatimt ən Məşşina di Iddaran. İsaşşarat s əməli issohen y əkkoz angalosan win əgrawnen tarna n igi ən təkma y amaḍal əd gərwan.

³ Inn-asan: «Ad wər tagim təkma y amaḍal, wala agaraw, wala eşkan, iket wər nəjjəjwal əs talxatimt ən Məşşina şikannaren ən naşbidan n Əməli-nana.»

⁴ Təzzar əsleş y əket n aytedan win tətawasawar talxatimt ən Məşşina. Əmosan temeday n əgim d əkkozat təmərwen d əkkoz ən tawşeten kul n İsrayil:

⁵ Maraw gim n awedan d əşşin daş tawşet ta n Yahuda

a təwar talxatimt ən Məşşina,
təwar maraw gim d əşşin daş tawşet ta n Ruben,
əd maraw gim d əşşin daş tawşet ta n Gad,

⁶ əd maraw gim d əşşin daş tawşet ta n Aşşer,
əd maraw gim d əşşin daş tawşet ta n Naftali,
əd maraw gim d əşşin daş tawşet ta n Manasay,

⁷ əd maraw gim d əşşin daş tawşet ta n Şiməşon,
əd maraw gim d əşşin daş tawşet ta n Lebi,
əd maraw gim d əşşin daş tawşet ta n İssakar,

⁸ əd maraw gim d əşşin daɣ tawşet ta n Zəbulun,
 əd maraw gim d əşşin daɣ tawşet ta n Yusəf,
 əd maraw gim d əşşin daɣ tawşet ta n Benyamin,
 kul təwâr-tan talxatimt ten.

Təmmal n əljəməɣat

⁹ Dəffər awen əlasax asawad, oggeɣ tiddawat
 zəwwərat wəllen, as wər t-illa i ifragan əşidən-
 net. Tiddawat ten təga daɣ ɣərfan n əddənet
 kul, əd tawşeten kul, əd təmattiwen kul, d
 awalan kul win tawaşawalnen. Əbdâdan dat
 təxawit ta n taɣmar, dat Əjemar, əzlâgan
 şikadkaden zagrotnen mallolnen, əttâfan
 ilədlad ən tagayt.

¹⁰ Saɣaren s əməsli issohen, gannin:
 «Efsan Əməli-nana Məşşina a tan-ihakkin
 s ənta a iwaran təxawit ta n taɣmar,
 ənta d Əjemar.»

¹¹ Təzzar əɣradan angalosan kul tebadday den
 da, ɣilayɣalayan təxawit ta n taɣmar, d əmɣaran,
 əd mudaran win əkkoz. Əssəjadan dat təxawit
 ta n taɣmar en, əɣbadân Məşşina,

¹² gannin:
 «Amin!
 Təmmalen əd tanaya əd masnat
 əd godan d ətəwəsəɣmar
 əd tarna əd fərregat,
 kul in Əməli-nana Məşşina, har faw!
 Amin!»

¹³ Təzzar išşewal iyyan daɣ əmɣaran, inn-
 i: «Awak ma mosan win əzlagnen şikadkaden
 zagrotnen mallolnen en, mənis d-əhan?»

¹⁴ Ənneɣ-as: «Təssanaɣ awa mosan, Əməli-
 nin.» Təzzar inn-i: «Awen aytədan win

d-əgmadnen təssust ta labasat. Ərbazan şikadkaden-nasan, əssəmlalan-tanat s əzni n Əjemar.

¹⁵ Awen dağ a fəl əbdadan dat təxawit ta n taymar ən Məşşina, əxbâdan-tu ehad d azal dağ adag-net wa n əlyibada. Amaran wa iqqiman fəl təxawit ta n taymar, *a dər-san z'inəməxsəran agəz-tan.*

¹⁶ Wər ilkem a tan-iggâz gələk, za wala fad. *Wər ilkem a tan-talâs təfuk əzəğğəzzəb,* za wala tuksay waliyyat,

¹⁷ id Əjemar wa ihan ammas ən təxawit ta n taymar a dər-san z'annattafan, s əmmək as itanattaf amadan d aharay-net, awəy-tan əs şittawen n aman win sidurnen, təzzar *iməs Məşşina iməttawan-nasan kul.*»

8

Əniləm ən talxatimt ta n əssayat

¹ As olam Əjemar talxatimt ta n əssayat, təga təfastit dağ jənnawan tewadat amađal n aganna n alwaq.

Anasax n əskawan win əssa

Angalosan win əssa

² Oggeğ əssa angalosan win əbdadnen dat Məşşina, as tawakfan iskawan əssa.

³ Təzzar osâ-du angalos iyyan ibdad xur majmar wa n əsəqqəd n ađutan win əzodnen igân dağ urəğ, ittâf majmar əndərran n əsəqqəd ən tayəlbast igân ənta da dağ urəğ. Itawakfa tayəlbast təgget y a tat-isəqqəd, təmos takutay, fəl majmar wa n əsəqqəd n ađutan, dat təxawit

ta n taɣmar, iddew awen əd təwatriwen ən mizdagan kul.

⁴ Igməd-du əhu ən taɣəlbəst ten əfus n angalos, iggəzzay dat Məššina, iddew awen əd təwatriwen ən mizdagan.

⁵ Dəffər awen inkar angalos əs majmar wa n əndərran n əsəqqəd ən taɣəlbəst as kala da ittaf-tu, idkar-t-idu šimakaten əryanən dəɣ majmar wa n əsəqqəd n aɟutan, igar-tu fəl amaɟal. Əmalan-tu eggagan, əd maslan, d esman, d ənəgəynəgəy n amaɟal.

⁶ Təzzar ənkarən əssa angalosan win əttafnen iskawan win əssa ad simutugan y anasaɣ-nasan.

Əkkoz əskawan win tawansaynen day tizarat

⁷ Insay angalos wa azzaran esək wa ittaf, təzzar əmalan-tu dagrazan əd təmsay ərtaynen d əzni, iffay-du awen kul fəl amaɟal. Tərakəmmat təzunt ta n karadat n əddənət, tərakəmmat təzunt ta n karadat n eškan kul, irakəmmat yel kul.

⁸ Insay angalos wa n əššin esək wa ittaf. Itawagar-du arət olân d ədɣaɣ zəwwəran ibi-laglagan, irtak dəɣ agaraw. Təqqal təzunt ta n karadat n agaraw ketnet azni.

⁹ Təzzar təmmut təzunt ta n karadat ən mударan win əhanen agaraw, təhlak dəɣ təzunt ta n karadat n əylalan n aman kul win əwarnen agaraw.

¹⁰ Insay angalos wa n karad esək wa ittaf. Irtak-du ətri zəwwəran dəɣ jənnawan, igân əbələzləz an abela ən təmsay, irtak fəl təzunt ta n karadat ən gərwan win əngaynen, əd šittawen n aman.

¹¹ Atri wen esəm-net «Abəsintəs». Təmməttay təzunt ta n karadat n aman n əddənet, təqqal aman samomnen, əgânen təssəməmt ta da iga abəsintəs. Təzzar aba aytedan aggotnen win əşwânen aman win den.

¹² Insay angalos wa n əkkoz esək wa ittaf. Təzzar ihlak awen təzunt ta n karadat ən təfuk, əd təzunt ta n karadat ən təllit, əd təzunt ta n karadat n etran. Awa dağ-san immar awen kul iqqal şıyyay. Ezal da təğmad-tu təzunt ta n karadat n ənnur-net, ehad deş awen da.

Ətəwəmal n alwabatan win karâd

¹³ Təzzar əswadaş ənayaş tənagmart təggâdat daş təsəggərigəreyt ən jənnawan, əsleş as təgannu s əməsli issohen: «Xaşša! Xaşša! Xaşša wəllen i win əhanen əddənet, şur anasaş n əskawan win z'ənsəşan angalosan win karad dəffər win!»

9

Anasaş n asak wa n səmmos

¹ Inkar angalos wa n səmmos insay esək wa ittaf. Oggeş atri as d-irtak daş jənnawan fəl amađal. Atri wen itiwakfa təsassarut n əşəşi wa wər nəla eder.

² Olam əşəşi wa, iggəzzay-du daş-as əhu olân əd wa d-igammadan əşəşi a daş təmihandar təmsay. Arat wen issəkwal təfuk, d alhawa ketnet.

³ Təzzar əğmadan-du əjwalan əhu wen, əllilan əddənet ketnet. Tawakfan əjwalan win talbast togdât əd ta n təzurdam.

4 Itawaryam-asan fəl igi n a imosan təkma i taddalət a təqqal, gər za yel a ilsan amaḍal, wala eşkan. Kalar tawamaran s ad zəxxəzzəban aytedan ɣas win as wər iwer ejwal ən Məşşina şikannaren-nasan.

5 Wər tawakfan turagat ən tanayay n aytedan win den kərəz. Kalar tawamaran ɣas s a tan-zəxxəzzəban wəllen har səmmosat təlil. Amaran əsəsnan ən tədud n əjwalan win den, ogda əd wa n taddod ən təzardəmt.

6 Azzaman win den a daɣ-san səddirənan aytedan təmattant, mişan wər tat-z-əgrəwan. Ad gammayan təmattant, tətinəməggig dər-san.

7 Ijwalan win den olân d əggəsan simatagnen y iki n əməgər. Iɣafawan-nasan iwar-tan arat olân əd təkəbba ən taɣmar əgânen daɣ urəɣ, amaran udmawan-nasan olan əd wa n aggadəm.

8 Ijəkkad-nasan olân əd jəkkad ən tədoden, işenan-nasan olân əd şenan n ahar.

9 Idmâran-nasan ils-en arat olân əd təzoli, amaran imaslan n əfrutan-nasan olân d əməsli n amalankaytan n əməgər əlwâyan əggəsan aggotnen, ozâlan s adag n əməgər.

10 Elân şisbaten olânen əd şin təzurdam, əlânen işkaran zun win daɣ ən təzardəmt, amaran imawan ən təsbaten-nasan en da a daɣ iddew aşşar n igi ən təkma labasat y aytedan har səmmosat təlil.

11 Ark angalos n Aşşaytan wa ihan əxəyi wər nəla eder, a imosan əmənokəl n əjwalan win den. Esəm-net daɣ təlɣibrit Abaddon, daɣ awal ən Kəl-Əlyunan esəm-net Aboləyon, almaɣna n awen «Əmahlak.»

12 Okay albala wa azzaran, amaran əllan-tu əşšin wiyyad as kundaba əlkaman-as-du.

Anasaχ n asak wa n sədis

13 Insaχ angalos wa n sədis esək wa ittaf. Təzzar əsleχ y əməsli a d-igmâdan [əkkozat] təχəmmar ən majmar n urəχ wa illan dat Məşşina, imosan majmar wa n əsəqqəd n ađutan.

14 Əməsli wen igannu y angalos wa n sədis ittafan esək: «Ara-du əkkoz angalosan win əqqannen daχ təgadamayt n agarew wa zəwwəran, a t-imosan Əfrat.»

15 Təzzar tawâran-du angalosan win əkkoz en tiwasamatagnen y alwaq wen da, daχ əzəl wen da, daχ təllit ten da, daχ awatay wen da, fəl ad əhləkan təzunt ta n karadat n aytedan kul n əddənet.

16 Əmosan sanatat təmad ən miləyaw n amawan n ays. Ənta den da međan-nasan, amaran əsleχ-as.

17 Əmmək da was di-du-nafalalan əggəsan win den əd mawanan-nasan daχ targət-in. Əggəsan win, idmaran-nasan ils-en əχər igân karad əlmawan əmosnen: təzuχay ta n təmsay, əd tad-dalət ta n jənnawan tədâgat sa sər takkawalt ta n təhunt iyyat təlât almaqam as itawannu safir, əd təruχay ta n adaχas-ən-tahart. İyafawan n əggəsan win, olân əd yafawan ən harran, imawan-nasan təgammad-tan-du təmsay d əhu d adaχas-ən-tahart irxân.

¹⁸ Albalatan win karad en əmosnen temsay d əhu d adaxas-ən-tahart irxân, əhlakan təzunt ta n karadat n aytedan kul n əddənet.

¹⁹ Fəlas tarna n əggəsan win den, təha imawan-nasan, əd təsbaten-nasan, id şisbaten-nasan olânat əd taşşolen, əlânat iyafawan as tagginat y aytedan təkma labasat.

²⁰ Mişan aytedan win wər aba dağ albalatan win den, wər ətuban dağ ark aratan win tamazalan. Wər əmməzzayan d əlxibada ən kələsuf, wala əssənəman n urəx əd win əzrəf əd win darox əd win təhun əd win eşkan. Əssənəman win den, wərmad za as hannayan, wala sallin, wala əfrâgan əmətəkwəy.

²¹ Aytedan win, wər ətuban dağ igi ən man, wala igi ən şaxawan, wala əzzəna, wala şikra.

10

Elkəttab wa əndərran

¹ Dəffər awen oggeş angalos iyyan iknân təla ən tarna, itazabbat-du dağ jənnawan, ils-ay əgnaw zun awedan ilsan təkadkat zagret. Eyafnet təxlay-tu təgələllet təgât dağ təzzəl-adar təbilazlazat. Udəm-net ibilazlaz s ənnur zun təfuk. Elyan-net olân əd lallagan ən təmsay.

² Ittaf dağ əfus-net arat n əlkəttab innolaman. Issənsa adar-net wa n əxil fəl agaraw, issənsa wa n zalgat fəl amaçal.

³ Iga y əməsli-net adakal issohen, olân əd tənagawt n ahar. As iga y əməsli-net adakal wen, əgan eggagan win əssa əmosnen zun awal.

⁴ Təzzar əgmaya d ad əggəza şin akatab n awa ənnan eggagan win den. Amazay wen dağ

ad əsleḡ y əməsli a d-igmadan ijənnawan as di-inna: «Əḡbər daḡ əwəl-nak awa ənnan eggagan win əssa di. A daḡ-as wər təkətəba wala!»

⁵ Təzzar inkar angalos wa ənayax ibdād fəl amaḡal d agaraw izzal əfus-net wa n əḡil sa sər jənnawan,

⁶ ihad s esəm ən wa iddaran har faw, s ənta a d-ixlakan ijənnawan d awa tan-ihan, d amaḡal d awa t-iwaran, əd gərwan d awa tan-ihan, as wər tu-za-tələs təmastant emel.

⁷ Mišan amazay wa daḡ iggaz angalos wa n əssa šin anasaḡ n asak wa ittaf, ənta a daḡ z'assandu Məššina əsənnəfiləl n əssir-net, s əmmək was isabbayyan isalan win den i naḡbidan-net, a tan-imosan ənnəbitan.

⁸ Təzzar ilas-i əməsli was əsleḡ den awal daḡ jənnawan inn-i: «Ədkəl arət n əlkəttab əndərran wa ihan əfus n angalos wa ibdadan fəl agaraw d amaḡal.»

⁹ Ekkeḡ angalos ənneḡ-as a di-d-akfu əlkəttab wa əndarran en. Inn-i: «Ədkəl-tu tatšaḡ-qu. Ad tədnəy təsəmmay-net tadist-nak, mišan daḡ əmi-nak iga šizada an turawat.»

¹⁰ Ədkala-du arət n əlkəttab wen daḡ əfus n angalos en, ətšəḡ-qu. Iga šizada an turawat daḡ əmi-nin, mišan as t-ətšəḡ, tədkar tadist-in təsəmmay-net.

¹¹ Dəffər awen itawann-i: «Harwada iwar-kay amel ən salan win d-izazzabbat Məššina daḡ batu ən təmattiwen aggotnen, əd xərfaḡ aggotnen, d awalan əd mənokalan aggotnen.»

Şigəyyawen šin sanâtat

¹ Təzzar tawakfay agabal ən telant, olân əd təburək tas tətəggu takkot. Itawann-i: «Ənkər, təkətay edag n əlxibada ən Məşşina, əd majmar wa n təkutawen, təxsəba win dəy-as əxbadnen.

² Mišan ayağar wa iylayan edag wa n əlxibada, ayy-ay s aganna, a tu-wər-təkəta, fəlas itiwakfa y aytedan win wər nəksud Məşşina. Aytedan win di ad agin əkkozat təmərwen ən təllit əd sanatat tidəyəzdəyizan ayağar wa zəddigan di.

³ Amaran a din-assagla sanatat təgəyyawen, əmosnen ənnəbitan-in, əlsânen şibədday ən təfəyyawt. Ənnəbitan win ad əmmalan isalan a d-izizabbat Əməli har agin agim n əzəl əd sanatat təməd əd sədisat təmərwen.

⁴ Şigəyyawen šin sanatat en əmosnat əşşin eşkan ən zaytun əd sanatat fətəlaten šin əzzəkətkənen dat Əməli n əddənət.

⁵ As ira awedan igi y-asnat təkma, a du-təgməd təmsay əs mawan-nasnat təsərrəkəmmət-tu. Awalla, wa iran igi y-asnat təkma, əmmək en dəy as tu-z-iba.

⁶ Ənnəbitan win əşşin en əmosnen şigəyyawen-in əlân fərregat n agadal y akonak ewet dəy azzaman win dəy əmmalan isalan win d-izazzabbat Əməli. Əlân fərregat n əsəmməttəy n aman əqqəlan azni. Əfragan dəy a d-awəyan s əddənət əzzənəfan aggotnen n albalatan, iket ərân awen.»

⁷ Mišan as əyağar təgəyya ta taggin den, a dər-san ammagar əmudar səksədan wa du-z-igmədan əxəxi wər nəla eder, arn-en, anç-en

kərəz.

⁸ Şiməxsa-nasan ad ansinat fəl tarrayt daɣ əxrəm zəwwəran wa daɣ itawataytay Əməli-nasan. Aɣrəm wen itawann-as «Sədom» əd «Masar», imos awen tədugent as isinafal Məşşina awa t-id-izayan.

⁹ Edes n aytedan ən təmattiwen kul əd tawşeten kul d awalan kul əd kallaŋ kul ad aɣin karad adan d aganna hannayan şiməxsa n ənnəbitan win əşşin en, əgdəlan-asan deɣ a din-təwənbəlan.

¹⁰ Iba-nasan isidawat aytedan n əddənet kul, har as əknān saday, tinəməggin şinəfas gar-essan, id əzəɣɣəzzəb aggen a dasan-əganat təgəyyawen şin sanatat en.

¹¹ Mişan dəffər karad adan d aganna win, iga Məşşina infas ən təməddurt daɣ ənnəbitan win aba den, əddaran-du, əbdadan. Təggaz tasa səksədat aytedan win tan-ənaynen.

¹² Əslan daɣ jənnawan y əməsli issohen igannu y ənnəbitan win əşşin: «Gazzayat-du sa da!» Əggəzzayan əs jənnawan əhān ignawan, hānnayan-tan zənga-nasan.

¹³ Amazay wen da a daɣ iga amaɖal ənəgəynəgəy labasan, təbarajjat təzunt ta n marawat n əxrəm en, təzzar aba əssa gim n awedan daɣ əhluk wa igan den. Win d-əragneŋ daɣ awen, təggaz-tan tasa səksədat, əssəɣmaran Məşşina di n Əməli ən jənnawan.

¹⁴ Okay alwaba wa n əşşin, amaran wa n karad izay-du tarmad.

Anasaɣ n asak wa n əssa

15 Insaɣ angalos wa n əssa esək wa ittaf.
Itawasla i maslan zawwarnen daɣ jənnawan.
Imaslan win den gannin:

«Əmərədda tarna ta n tizart y əddənet

šin Əməli-nana Məşşina

d Əlməsix-net.

Ad iqqəl əmənokəl har faw.»

16 Ənkaran əmyaran win sanatat təmərwen d
əkkoz əqqimnen fəl təxiwa-nasan dat Məşşina,
fataqqen daɣ amaɖal, əssəjadan, əɣbadan
Məşşina.

17 Ad gannin:

«Nəgğoday-ak Əməli,

kay a imosan Məşşina di n əməli ən tarna kul,

kay a t-illan əmərədda,

təlleq-qu deɣ kala da.

Nəgğoday-ak id əşəşxəl a təgeɣ tarna-nak
zəwwərat

y ad təssəbdəda taɣmar-nak,

18 šimattiwen n əddənet iggâz-tanat alham
labasan,

mišan əmərədda alham wa nak a d-ewadan.

Alwaq wa n əşşəriɣa ən nəmməttan a d-osan.

Alwaq ewad-du wa daɣ za tərzəmaɣ y eklan-nak

a tan-imosan ənnəbitan,

takfaq-qan arozan-nasan,

əntanay əd mizdagan kul,

d aytedan kul win miksadan-nak,

gər win muzaran wala win tan-wər-nəmos.

Alwaq ewad-du wa n əhluk ən win hallaknen
əddənet!»

19 Təzzar innolam ahan n əlyibada ən Məşşina
wa ihan ijənnawan, inafalal-du daɣ-as əssənduq
wa n arkawal ən tassaq. Dəffər awen

əgan esman, əmalan-tu maslan d eggagan d ənəgəynəgəy n amaḍal əd dagrazan labasnen.

12

Ənəfilal ən təntut ta təgat tədist

¹ Tənafalal-du alyalamat zəwwərat daɣ jənnawan: Alyalamat ten təmos tantut təlsât təfuk, təlla təllit daw daran-net, təssiwar təkəbbut ta n tarnə təgat daɣ maraw etran d əşšin.

² Təsikarəy əd təlawəyt n iguz n əmzur.

³ Tənafalal-du alyalamat iyyat daɣ jənnawan. Imos awen əməxluk olân d əzzənəf n aɣata igân təzzəwwərt səksədat. Iga təzuɣay a n təmsəy, ilə əssa ɣafawan əd maraw əskawan, amaran əkkulluk n iyyan daɣ ɣafawan win den təwar-tu təkəbbut ta n taɣmar.

⁴ Ifrad əs təsbat-net təzunt ta n karadat n etran, igar-tan-du fəl amaḍal. Təzzar imal əməxluk wen dat təntut ta tətaggazat amzur fəl ad atsu barar-net daɣ amazay wa da daɣ du-z-ihəw.

⁵ Tantut ten təgraw barar ən yay, s ənta a z'izaran i təmattiwen n əddənət kul əs taɣmar təknât assahat. Təzzar immeway barar wen əs təxawit ən taɣmar ta fəl iqqim Məşšina.

⁶ Təddəggag təntut ten s əsuf təkka edag iskât Məşšina y awen. Den da a dər-əs z'agu ənəttaf har əgim n əzəl əd sanatat təmad, əd sədisat təmərwen.

⁷ Təzzar iga əməgər daɣ jənnawan. Imməgar Mikayil d angalosən-net d əməxluk wen.

Immëgar dër-san dey ëmëxluk ënta d ark angalosan-net.

⁸ Mišan itawarna ëmëxluk d angalosan-net, ab-as dasan-t-illa adag day jënnawan.

⁹ Ëmëxluk wa zëwwëran en, imosan aššol wa irëwan, as itawannu Iblis, itawann-as dey Aššaytan, s ënta a isaxrakan aytedan day adag kul wa ëhan day ëddënet, itawagar-du fël amađal, iddew d angalosan-net.

¹⁰ Dëffër awen ësley y ëmëсли issohen igannu day jënnawan: «Ëmërëdda alwaq wa n efsan osa-du! Ëmërëdda Ëmëli-nana isinafalal tarna-net, ëd taymar-net! Ëmërëdda taymar tëlla gër fassan n Ëlmësix-net, id Aššaytan s ënta a isawaran imëdrayan-nana lahanan dat Mëššina ehad ezal, a d-itawakkasan day jënnawan, itawagar-du s amađal.

¹¹ Mišan ya ornan-tu mëdrayan-nana win ës tarrayt n ëzni n Ëjemar ëd tarrayt ën salan n Ëlinjil win ëmalan. Ëqbalan tehakkay ën man-nasan, iba-tan day tarrayt ten.

¹² Dawatat day adi ijënnawan ëd win tan-ëzdaynen! Mišan iket alyazab ill-ay y amađal ëd gërwan, id Iblis izzëbbat-in sër-wan, ih-ay alham wëllen, fëlas alwaq ëndërran a das d-iqqiman, amaran issân day awen.»

¹³ As inay ëmëxluk as itiwagar-du fël amađal, istay tantut ta tëggazat amzur ën barar ën yay.

¹⁴ Mišan tëtawakfa tëntut ten ëššin ëfrutan ën tənagmart ta zëwwërat. Ëmmëk en day as tëfrag šigget s ësuf, s adag wa day za tənëmëggag d aššol. Den day a dër-ës z'agu ënëttaf har karad elan d aganna.

¹⁵ Təzzar ifsa-du ašsol aman əmosan zun agarew dəffər təntut, fəl a tat-əbətən.

¹⁶ Mišan illil amaḍal i təntut. Ora amaḍal imi-net, ilmaz agarew wa d-ifsa əməxluk.

¹⁷ Əməxluk ih-ay alham labasan ən təntut, təzzar igla y ad ammagar əd maddanəs ən təntut win hadatnen, a tan-əmosnen win əbbərdagnen y alwajiban ən Məššina, tagayyen daḡ batu ən Ƴaysa Əlməsix.

¹⁸ Dəffər awen ikka əməxluk təgadamayt n agarew, isammatag y əməgər.

13

Ənəfilal n əmudar səksədan wa d-igmadan agaraw

¹ Dəffər awen oggeḡ əmudar səksədan as d-igmad agaraw. Əmudar wen ila maraw əskawan, d əssa Ƴafawan. Əkkulluk n iyyan daḡ əskawan-net təwar-tu təkəbbut ta n tarna, amaran əkkulluk n iyyan daḡ Ƴafawan win əssa en, iwâr-tu esəm imosan ikus ən tarna i Məššina.

² Əmudar wa oggeḡ den, ola d əzzənəf n adal. Idaran-net olân əd daran n əmudar iyyan igân urəs, imi-net ola d əmi n ahar. Ikf-ay əməxluk tarna-net, əd təxawit-net ta n taḡmar, əd taḡmar zəwwərat.

³ Iyyan daḡ Ƴafawan-net olâ d as ih-ay əbus inaqqin, mišan izzây. Əqqanan Ƴafawan n aytedan n əddənet kul, əlkaman y əmudar wa səksədan en.

⁴ Əssəjadan aytedan dat əməxluk id taḡmar-net a ikfa y əmudar. Əḡbadan əmudar, gannin:

«Mæni-tu wa olân d æmudar wa sæksædan, mæni wa ifragan æmægær-net?»

⁵ Igraw æmudar wa sæksædan en færregat n igi æn batuten æmosnen zazwar æn man-net, d ikus æn tarna i Mæššina. Igraw turagat n igi æn mazalan win den, har ækkozat tæmærwæn æn tællit æd sanatat.

⁶ Ad itakkæs æmudar en tarna i Mæššina, d adag wa iha, æd win æzdaynen ijennawan kul.

⁷ Itawakfa færregat n æmægær æd mizdagan æn Mæššina æd tarna-nasan. Itawakfa tizart i tawšeten kul æd tæmattiwen kul d aytedan a æššewalnen awalan kul æd kallan kul.

⁸ Aytedan n æddænet kul ad t-æxbædan ar win as æktaban esmawan-nasan day ælkættab wa n tæmæddurt harwa çur æxluk n æddænet. Ælkættab en in Æjemar wa igzaman iqqal takutay.

⁹ Wa isallin aslet!

¹⁰ Kud kasaw a itaggaz awedan ad t-iggæz. Kud ætæwænça a z'agu æs tæzoli, a sær-æs itæwænçu. Win æmosnen imizdagan æn Mæššina, alwaç-nasan da da wa n æšitæy æn zæmmerat d æzægzan.

Ænæfilal n æmudar wa d-igmadan amaðal

¹¹ Tæzzar oggeç æmudar iyyan sæksædan as d-iggæzzay igmâd-du amaðal. Æmudar wen ila æššin æskawan olânen æd win akar, amaran itaggu awal olan æd wa n æmæxluk.

¹² Iššæšçal tarna kul n æmudar wa azzaran a d-osan dat-æs, tæzzar eway-du s amaðal æd win t-æwarnen, as æssæjadan y æmudar sæksædan wa azzaran as izzay æbus-net imosan abus inaqçin.

¹³ Ad itaggu təlməxjujaten zawwarnen, har as temsay a d-izabbat daɣ jənnawan fəl amaɖal, əswâdan aytedan.

¹⁴ Issəxrak aytedan n əddənet əs təlməxjujaten šin as igraw igi-nasnət dat əmudar wa das-d-azzaran. Igannu y aytedan ad agin šaššelan n əmudar wen, təsabasa takoba, iddar-du.

¹⁵ Igraw fərregat n igi ən man daɣ šaššelan n əmudar wa das-d-azzaran, təzzar eway-du awen əs šaššelan wen as išawal, isasaxu deɣ kərəz aytedan win uɣaynen s ad t-əɣbədan.

¹⁶ Eway-du as aytedan kul, gər win wər nəla almaqam, wala win t-əlanen, gər win məggərgas wala win məggənza, gər ilallan wala eklan, kul išahhaššal-tan as iwar ejwal-net ifassan-nasan win əɣil, madəɣ šikannaren-nasan.

¹⁷ Təzzar ab-as t-illa awedan ilân turagat n ad azzanzu, wala deɣ azzanz-in ar s ad t-iwar ejwal n əmudar wen d esəm-net, madəɣ meɖan wa iddewan d esəm-net.

¹⁸ Den daɣ ad za tagu addararat əs tayttay əd masnat. Wa ilan tayttay, ixsəbet meɖan n əmudar wen. Meɖan wen immittal esəm n awedan, amaran imos sədisat təmad əd sədisat təmərwen əd sədis.

14

Ənəfilal n Əjemar əd meɖan wa n 144000

¹ Elasaɣ asawad, oggeɣ Əjemar ibdâd fəl ədɣax wa n Səyon. Əllân ɣur-əs aytedan əmosnen temeday n əgim d əkkozat təmərwen d əkkoz. Aytedan win den iwâr esəm n Əjemar d esəm n Abba-net šikannaren-nasan.

² Əsley y əməsli a d-igmadan ijənnawan. Əməsli wen ola d əjit zəwwəran n aman aggotnen d əməsli n eggag zəwwəran, ola dəx d əməsli ən təhərdanen aggotnen.

³ Aytedan win den əssiggadan dəy təmmal iyyat taynayət dat təxawit ta n taɣmar, dat mudaran win əkkoz d əmɣaran. Wər t-illa awedan ifrâgan ad issən təmmal ten, ar temeday n əgim d əkkozat təmərwen d əkkoz, win d-isaddarfət Məşşina dəy aytedan n əddənet.

⁴ Əntanay wər sammadasan iman-nasan s əzzəna fəlas wər kala ad əlan tassaɣ waliyyat əd tədoden. Əlkâman y Əjəmar s adag kul wa ikka. Tawasadarfen-du dəy aytedan əmosan zun tənfa ta tazzarat ən təwəgas təskâtat i Məşşina d Əjəmar.

⁵ Amaran imawan-nasan wər tan-d-igmed a imosan bahu, wər t-illa a imosan lahan a tan-iwâran.

Enəfilal n angalosın win karâd əd mazalan win d-əssəɣlan

⁶ Təzzar oggey angalos iyyan as iggad dəy təsəggərigərəyt ən jənnawan. Angalos wen eway Əlinjil di iɣlalan a z'iməl y aytedan n əddənet, dəy kalla kul əd tawşeten kul d awalan kul əd təmattiwen kul.

⁷ İdkâl əməsli-net wəllen igannu: «Səxmərat Məşşina, tagim-as adkul wa dər ihor, id alwaq osa-du wa dəy z'agu əşşəriɣa-net. Əxbədat wa d-ixlakan ijənnawan d amaɣal d agaraw əd şittawen n aman.»

⁸ İnkâr angalos iyyan wa n əşşin, ilkam-du i wen, igannu: «Babəylon ta n təmizwart, tuda!

Awalla tuda Babəylon tas tallabast n igi-net əzzəna, ihan əlmital n əşəşwi n aytedan esmad, təsəxrək šimattiwen kul n əddənet, teway-du sər-əsnat as tanat-ibaz əşşəriya ən Məşşina.»

⁹⁻¹¹ Ilkam-as-du angalos iyyan wa n karad, igannu s əməsli ihhoken: «Aytedan win əxbadnen əmudar wa səksədan əd šaššəlan-net, iwâr-tan asannal-net dəy təkannaren, madəy ifassan, win di ad ašwin esmad wa n alham ən Məşşina. Esmad wen izdâr amaran a dāsan-itəwəggu dəy təkabart ta n alham ən Məşşina, agin alxazab səksədan igan əs təmsay d adaxas-ən-tahart irxân, dat angalosan a zaddoggen d Əjemar. Əhu n alxazab-nasan, ill-ay har faw, amaran wərmad a dāsan-tu-təlla təsasmit ehad, za wala ezal.

¹² Alwaq wen ənta wa n zəmmerat ən mizdagan ən Məşşina, əbbirdagnen y alwajiban-net, əknân dəy təlxudəla i Ƴaysa.»

¹³ Dəffər awen əsleɣ y əməsli a d-ifalan ijənnawan as inna: «Əktəb as: "Əbbilalan aytedan win as harwa əmərədda da ərtâyan d Əməli, iba-tan dəy ərtâyan dər-əs." Awalla, inna Infas wa Zəddigan, assanfinet dəy əşşəxəl wa əgan, fəlas ad əgrəwan maruzat ən mazalan-nasan.»

Enəfilal ən tənfa ta du-təgmadat amaḍal

¹⁴ Əlasax asawad oggeɣ agnaw mallan. Agnaw wen təqqim fall-as azzat tolât əd ta n aggadəm. Əxaf-net təwar-tu təkəbbut ən taɣmar təgât dəy urəɣ, ittâf əlmoši iwalan wa n allay ən təwəgas.

¹⁵ Dəffər awen igmad-du angalos iyyan ehan n əlxibada isaxxarat wəllen inna i wa iqqiman fəl

əgnaw: «Şəşxəl əlmoşi-nak wa n allay, taləya xarat. Alwaq ewad-du wa n əmiləy ən xarat, annabatan win əwarnen amaḍal əññän.»

¹⁶ Təzzar inkar wa iqqiman fəl əgnaw olay s əlmoşi-net awa iwaran amaḍal ketnet daɣ tənfa.

¹⁷ Dəffər awen igmad-du angalos iyyan ehan n əlxibada wa ihan ijənnawan. Ənta da ila əlmoşi iwalan wa n allay ən təwəgas.

¹⁸ Təzzar igmad-du angalos iyyan majmar wa n təkutawen. Angalos wen ixkâm fəl təmsay, idkal əməsli-net wəllen, inna s əməsli issohen i wa ittafan əlmoşi iwalan wa n allay ən xarat: «Şəşxəl əlmoşi-nak wa n allay ən xarat, taləyax-du ara n alxanab kul wa iwaran amaḍal, fəlas şibaşakşaken-net kul əññänat, isimatag y əşşərixa ən Məşşina.»

¹⁹ Təzzar olay angalos s əlmoşi-net, alxanab kul wa iwaran amaḍal, igar-tu ketnet daɣ təgdayt ta daɣ itawazmu alxanab, a tat-imosan tagdayt zəwwərat ta n alham ən Məşşina.

²⁰ Təzzar itawadayazdayaz alxanab wen itawazma sədi y əxrəm. Ingay-du daɣ-as əzni har ilsa karadat təmad ən kilaw, iggəzzay har ewad edag ən karad xalan.

15

Ənəfilal n angalosan win əssâ d agarəw

¹ Təzzar ənaya daɣ jənnawan alxalamat iyyat zəwwərat, təkñât əsəmməkləl, təmosat: Əssa angalosan əttafnen əssa alwabatan win əlkamnen s əntanay a daɣ d-inda alham ən Məşşina.

² Ənayağ arat olân d agaraw igân dağ arat a d-isaktin təlfənjart tərâtâyət əd təmsay, amaran əbdâdan fall-as win ərzanen əmudar səksədan əd şaşşelan-net əd međan wa iddewan d esəm-net, ətâfan şihərdänen a tan-ikfa Məşşina.

³ Əssiggadan dağ təmmal n əkli ən Məşşina, a t-imosan Musa əd təmmal ta n Əjəmar, gannin: «İgitan-nak zawwarnen, simaklalan, ya Əməli Məşşina!

Kay a imosan məşşis ən tarna kul!

Tarrayen-nak əntanatay a oğadnen, əmosnat tidət,
ya Əmənokal ən təmattiwen.

⁴ Ma imos wa ewadan a kay wər iksud ya Əməli?

Ma imos wa wər za nəssəxmər esəm-nak?

Fəlas kay ɣas a imosan əmizdag.

Amaran tawşeten kul a d-asinat, əğbadnat-kay, fəlas igitan-nak oğadnen a nafalalnen.»

Şikərwesen şin əssâyat n alham ən Məşşina

⁵ Dəffər aratan win den, əswadağ oggeğ edag wa zəddigan n ahaket wa n əmənəy as innolam dağ jənnawan.

⁶ Təzzar əgmədan-du angalosan win əssa edag wa zəddigan əttâfan əlwabatan win əssa, əlân tabdoq ən lin iqqıtasən isıraqqen, otâban idmaran-nasən əs sutab n urəğ.

⁷ İnkər iyyan dağ mudaran win əkkoz, ikfa angalosan win əssa əssayət təkərwəsən n urəğ ədkârnen alham ən Məşşina di iddaran har faw!

⁸ İdkər adag wa zəddigan əhu a d-ifalan tanaya ən Məşşina əd tarna-net. Wər t-illa i ifragan iguz n adag wa zəddigan ən, iket wər ənden əssa əlwabatan win d-ewayan angalosan win əssâ.

16

¹ Dəffər awen əsleḡ y əməsli zəwwəran as d-igmad ehan n əlxibada, inna y angalosan win əssâ: «Aqliwat tənḡəlam fəl amaḡal ketnet əssayat təkərwasen šin alham ən Məššina.»

² Təzzar igla wa azzaran daḡ-san, inḡal təkərwast-net fəl amaḡal. Əwatnat šiqqas labasnen aytedan kul win iwar ejwal n əmudar, əḡbâdan šaššelan-net.

³ Inḡal angalos wa n əššin təkərwast-net fəl gərwan, əqqalan aman-nasan azni olân d əzni n ənəmmettən. Immut id t-illa əmudar kul ihan igərwan.

⁴ Təzzar inḡal wa n karad daḡ-san təkərwast-net daḡ təsəssəngay əd šittawen n aman, əqqalnat azni.

⁵ Əsleḡ y angalos wa inəttafan d aman igannu: «Toḡâda, kay wa t-illan əmərədda, təllec-qu kala da, təmosaḡ əmizdag, id əmmək wa da as təxkamay aratan win y aytedan n əddənet.

⁶ Fəlas tanaḡla a əgan azni ən mizdagan d ənnəbitan, amaran təkfeq-qan azni y ad t-ašwin, id əhoran dər-əs.»

⁷ Əsleḡ i majmar wa n təkutawen igannu: «Awalla, Əməli Məššina s ənta a imosan məššis ən tarna kul, əlxəkuman-net tidət a mosan, oḡâdan.»

⁸ Inḡal angalos wa n əkkoz təkərwast-net fəl təfuk, tətawakfa təfuk fərregat n akaway n aytedan.

⁹ Tosa-du tuksay labasat ad təkaggay aytedan. Təzzar ad takasan tarna y esəm ən Məşşina s ənta a ixkaman daɣ alwabatan win, edag an a das-ətuban əssəxməran-tu.

¹⁰ Təzzar inɣal angalos wa n səmmos təkərwast-net fəl təxawit ta n taymar n əmudar wa səksədan. Əlsanat šiyyay taymar n əmudar, əgan aytedan təkəraɣit tas har əqqiman əddâdan idədwən-nasan.

¹¹ Ad takkasan tarna i Məşşina di n Əməli ən jənnawan fəl əddəlil ən təsənnay səksədat ta taggin əd šiqqas šin tan-əhanen, wər ətuban daɣ mazalan-nasan.

¹² Inɣal angalos wa n sədis təkərwast-net fəl agarew wa zəwwəran n Efrat. Əstakan aman-net, fəl ad təmmutəg tarrayt ən mənokalan a d-əfalnen dənnəg.

¹³ Təzzar oggeɣ imi n əməxluk, əd wa n əmudar, əd wa n ənnəbi ən bahu as tan-d-əgmədan karad ašşayatinan əhânen as-sawwarat ən garan.

¹⁴ Ašşayatinan win den əntanay a tagginen təlməxjujaten, əntanay deɣ a z'akkinen imənokalan n əddənet kul y a tan-d-əşşidəwan y əməgər wa z'əgin daɣ əzəl wa zəwwəran n Əməli Məşşina di s ənta məşşis ən tarna kul.

¹⁵ Ənta da awa z'əgin: a din-agaɣ assa zun wa d-itaggu abaydag. İbbilal wa okayän, iqqân isəlsa-net fəl ad wər ijəwənkət izzâf tətəwəney alɣawrat-net.

¹⁶ Təzzar əşşədəwan-du ašşayatinan imənokalan n əddənet kul daɣ adag iyyanda. Edag wa itawann-as daɣ təlxibrit:

«Armagedun».

¹⁷ Inyal angalos wa n əssa təkərwest-net day alhawa. Təzzar igmad-du əməsli issohen ehan wa zəddigan əd təxawit ta n taɣmar ən Məşşina igannin: «Arat kul iɣrad!»

¹⁸ Əgan esman əd maslan d eggagan, iga amaɖal ənəgəynəgəy as wa d-əwəran aytedan tesayt n amaɖal wər iga ənnuɣ-net.

¹⁹ Təzzar iga əɣrəm wa zəwwəran ən Babəylon karadat təzunen. Barajjen ɣərman ən kallaan kul. Aɣrəm wa zəwwəran ən Babəylon ikittəw Məşşina ibakkadan-net. Adi a fəl t-işşəşwa təkabart n esmad n alɣanab immittalan alham-net d əşşəriɣa-net labasnen wəllen.

²⁰ Təzzar əmasan kallaan kul win gərwətlan, aba təmayyamayt n ədɣaɣan.

²¹ A du-tifətəqqən dagrazan as akkiyyan daɣsan imos əzuk-net edag n əkkozat təmərwen ən kilaw, rattakan fəl aytedan. Ad takkasan aytedan tarna i Məşşina fəl əddəlil n alwaba wa n dagrazan en, fəlas alwaba iknân təzzəwwərt wəllen a imos.

17

Awa inafalalan day taneray

Əşşəriɣa wa z'itəwəxkəman i təkərwat ta labasat

¹ Dəffər adi osa-du iyyan daɣ əssa angalosan win əttafnen əssayat təkərwəsen, işşewal-i, inn-i: «Iyyaw a kay-assaknaɣ əşşəriɣa ən təkərwat labasat ta təqqimat fəl aman aggotnen.

² Ənta a dər namaggan mənokalan n əddənet əzzəna, təzzar ad taggin aytedan n əddənet əzzəna s igət, əknân tara n awen, zun awedan isassin esmad s igət amaran ikna tara n awen.»

³ Eway angalos iman-in s əsuf, tobaz-i tarna n Infas wa Zəddigan. Təzzar oggeç tantut təqqimat fəl əmudar zaggaxan əwâran əsmawan aggotnen əmosnen ikus ən tarna i Məşşina. Əmudar wen ila əssa xafawan əd maraw əskawan.

⁴ Tantut ten təlsa tabdoç zaggaxat d iyyat təgât təzuxay təḡḡât, təqqân urəç əd təhun şin əlanen almaçam, d əljuhər. Təttâf təkabart n urəç təkârat imazalan zizallatnen aggadəm, d ammadas, win tişit-net təməggit n əzzəna.

⁵ Təkannart-net iktâb fall-as esəm âs almayna-net imos əssir. Ənta da awa inna akatab wa iwaran təkannart-net: «Açrəm wa zəwwəran ən Babəylon, ənta imosan anna ən təkərwaten əd mazalan win zazallatnen aggadəm.»

⁶ Təzzar oggeç tantut ta təgat iman ən mizdagan aggotnen əd nalkiman aggotnen ən Yaysa win fall-as tagganen təgəyya tolayat. Iqqal igi ən man wen arat a tat-isimaswadan zun tassay n esmad. As tat-oggeç, iqqan axaf-in wəllen.

⁷ Təzzar inn-i angalos: «Mafel iqqân axaf-nak? A dak-əmələç əssir wa təssəkna təntut-en d əmudar wa təwan, əd xafawan win əssa, d əskawan win maraw.

⁸ Əmudar səksədan wa toggeç əddi, kala ad t-illa, mişan əmərədda ab-as t-illa. Daç alwaç wər nəggug, a d-igməd əxəçi wa wər nəla eder, akku edag n əhluk. Amaran aytedan n əddənet

kul win as wër ækteban esmawan-nasan daḡ ælkëttab wa n tæmæddurt harwa ḡur ənætti n æddænet, ad æqqənan ḡafawan-nasan as ənayan æmudar id kala ad t-illa, dæffər adi ab-as t-illa, amaran ijwâr a d-osa.

⁹ Den daḡ ad tæga addararat æs tayttay æd masnat. Iḡafawan win æssa a, almaḡna-nasan æssa ædḡaḡan win fæl tæqqim tæntut. Æmosan deḡ æssa mænokalan

¹⁰ as sæmmos daḡ-san ab'as t-ællan, iyyan ill-ay, ixkâm, iyyan amaran harwa da wër d-osa, amaran as d-osa, ad agu arat n azzaman.

¹¹ Æmudar sæksədan was kala ad t-illa, ab'as t-illa æmæredda, ænta da æmænokal a imos. Ænta a imosan wa n ættam, idrâw deḡ ælmæxsud iyyanda d æssa win hadatnen, amaran ad akku edag n æhluk.

¹² Maraw æskawan win tənayaḡ, almaḡna-nasan maraw mænokalan as harwa da wër ægrəwan taḡmar-nasan, mišan ad ægrəwan arat n azzaman ən taḡmar æntanay d æmudar.

¹³ Iduf iyyanda a ægan, amaran ækfân tarnan- nasan æd taḡmar-nasan y æmudar.

¹⁴ Ad ammagaran d Æjemar, mišan a tan- arnu arz-en, id ænta a imosan Æmæli ən maḡlan, imos æmænokal ən mænokalan. Aytedan win du- tawaḡranen, tawasanafranan æmosan alḡadilan, ad idawan d Æjemar daḡ tarna ta du-z-agu den.»

¹⁵ Iḡla angalos iššewal, inn-i: «Aman win toggeḡ tæqqim fall-asan tækarwat, adi šimættiwen æd tiddawaten æd tawšeten d awalān.

¹⁶ Maraw æskawan win toggeḡ d æmudar, ad azzangen tækarwat, ækkəsan daḡ-as tælæmmest,

əzzəfan-tat, atšin isan-net, sərrəkəmme-tat əs təmsəy.

¹⁷ Awalla Məşşina a d-igan dəx wallan-nasan as ad ammazalan s awa ira, ammazalan əlməxsud iyyanda, akfin təxmar-nasan y əmudar. Arat wen dəx a z'agin iket wər d-ewed alwaq wa dəx z'andin aratan win ixkam Məşşina.

¹⁸ Amaran tantut ta toggey den, təmmittal əxrəm wa zəwwəran azzaran i mənokalan n əddənet.»

18

¹ Dəffər awen oggey angalos iyyan ilân təxmar wəllen itazabbat-du dəx jənnawan, imalawlaw amaḍal ketnet s ənnur ən tanaya-net.

² Inna s əməsli issohen wəllen:
«Babəylon ta n təmizwart, tuda!
Awalla tuda Babəylon!

Təqqal edag ən təməxsurt n ašşayatinan
d adag ən təməxsurt ən kələsuf
d asammanay ən gəḍad kul win xaramnen
[d asammanay n əzzənəfan kul
ən mudaran win xaramnen]
əd win wər əren man əd win ətawaglafnen.

³ Şimattiwen n əddənet kul əddəwnat dər-əs dəx arak deranan-net labasnen n igi n əzzəna, imos awen zun esmad sassinat. Imənokalan n əddənet nimaggan dər-əs əzzəna, kəl jola n əddənet dəx isaggargas-tan əxrəm wa n Babəylon, s ərrəzəyan-net əknānen igət.»

⁴ Təzzar əsleḡ y əməsli iyyan as d-igmad ijənnawan inna:

«Əgmədat-du əyrəm
wədi kawanay win əmosnen tamattay-nin,
fəl ad wər təgem ibakkadan win itaggu,
awəd-kawan-in albala wa fall-as z'uden.
⁵ Fəlas ibakkadan-net əgłan har ewadan
ijənnawan,
amaran Məşşina ikittəw
arak mazalan labasnen n əyrəm wədi.
⁶ Erzəmat-as s əmmək was irazzam,
takfım-tu ənətfus ən mazalan-net!
Təkabart tas ikkat, əkətət-as ənətfus-net.
⁷ Emmək was idkal iman-net,
immozal arat kul wa əran man-net,
əmmək di dəy as əgiwat-as əzəxəzəzəb
səksədan,
təsəssugım-tu təkənzert labasat oğdânen d
awen da,
id tənna a itaggu əyrəm wa n Babəylon:
"Təxawit ta n təmənukəla a fəl əqqıma,
wər əmosa tantut as aba aləs-net,
wər ilkem ad əggâzay afartay."
⁸ Awen dəy a fəlas albalatan zawwarnen
əddi win das-ənsanen:
Təmattant əd təkənzert labasat əd laz.
Əzəl iyyanda a fall-as z'uden albalatan win di,
təsərrəkəmmət-tu dəy temsay.
Awalla, Əməli Məşşina
imosan Məşşis ən tarna
a itawaddaban əyrəm wen.»

*Isəmmədənnigan əgânen fəl əyrəm ən
Babəylon*

⁹ Imənokalan n əddənet kul win dər-əs
əddewnen, nimaggan dər-əs əzzəna d aratan
win əran man-nasan dəy əddənet, ad ənəyan

əhu ən təmsay ta tu-za-təsərrəkəmmet, ad hallin səkkələlan fəl awa z'agu əxrəm wen day alxazab.

¹⁰ A dər-əs nəməggəgan, fəl təksəda n a tan-in-awəd alxazab wa z'agu den. Ad gannin:

«Xašša! Xašša wəllen

y əxrəm wa zəwwəran ən Babəylon ilan tarna.

Alwaq iyyanda xas a fəl t-iwwəddab Məššina!»

¹¹ Kəl jola n əddənet kul ad hallin fəl tərəmmeq y əxrəm wen. Wər t-illa awedan a xur-san izanzin awa əssətəgan,

¹² gər urəx, wala azrəf, wala šihun šin əlanen almaqam, wala əljuhər, wala lin, wala tabdoq təgât təzuxay təŋğât, wala əlxərir, wala tabdoq ta təgat təzuxay təhossayat, wala eškan kul win as izod ađu-nasan, wala aratan win əganen day təhunt təknât təməllay s ənta day itaggu uxən wa n xummaysa, wala win eškan win əlanen almaqam, wala win darəx, wala win təzoli, wala win təhun šin hossaynen,

¹³ wala egel n ašək was itawannu kanel, wala əzzənəfan n annabatan win əlanen ađu, wala alwarditan, wala ađutan win əzodnen əmosnen mir d əlməsək, wala esmad n alxanab, wala widi wa n azzayt, wala egel, wala alkama, wala šitan, wala ayfad, wala əggəsan wala amalankaytan wala eklan, wala ikefəlan.

¹⁴ Ad gannin kəl jola y əxrəm wen:

«Aratan win əran man-nak kul əddəggəgan fall-ak.

Tənafləyt, d aratan win hossaynen,

əzodnen aba-tan fall-ak.

Wər ilkem ad əlasan ətəwənay!»

¹⁵ Kəl jola win əggərgasnen daɣ əsətəg wa taggin daɣ əxrəm wen, a dər-əs nəməggəgan fəl təksəda n a tan-in-awəd aɣazab-net. Ad hallin, sikalalan;

¹⁶ gannin:

«Xašša! Xašša wəllen
y əxrəm wa zəwwəran a!
Dat awa ilsa tabdoq ən lin ihossayan,
əd tabdoq təgât təzuxay təŋŋât
əd tabdoq ta təgat təzuxay təhossayat,
iqqân uxənan hossaynen n urəx
əd təhun šin əlanen almaqam d əljuhər.

¹⁷ Amaran alwaq iyyanda ɣas
a fəl aba təgərgist ten!»

Aytedan kul win azzarnen y əɣlalan win aman əzzozalan-tan d aytedan kul win šakalnen fəl gərwan win zawwarnen əd win maššaxalan n əɣlalan n aman əd win əganen jola gər kallan əs tarrayt ən gərwan, əbdadan-in daɣ igəg

¹⁸ assaxa wad ənayan əhu ən təmsay ta təsirəkəmmet əxrəm wen, sakkarayan gannin:

«Wər kala ad itawanay
arat šilat ən wa igraw əxrəm ogdân əd wa.»

¹⁹ Sawaran iɣafawan-nasan aboqqa, hallin, əɣšâdan man-nasan wəllen, sikarayan gannin:

«Xašša! Xašša wəllen
y əxrəm wa zəwwəran a,
s ənta a daɣ əggərgasan aytedan kul
win əlanen iɣlalan n aman win zawwarnen,
mišan alwaq iyyanda ɣas a fəl iɣrad ahluk!»

²⁰ «Dawatat ijənnawan!

Aɣrəm iɣrad ahluk!

Dawatat kawanay da win əmosnen imizdagan
 ən Məşşina
 əd nəmmuzal d ənnəbitan.
 Awalla, Məşşina iwwəddab
 aɣrəm wa fəl təkma ta dawan-iga.»

²¹ Təzzar idkal angalos iknân təla ən tarnə
 təhənt zəwwərat tolât əd ta fəl itawazad alkama,
 igar-tat daɣ agarew igannu:

«Ənta da da əmmək was din-z-itəwəgər
 əɣrəm wa zəwwəran ən Babəylon
 əs təməwit labasat,
 amaran wər z'iləs ətəwənay dəffər adi.

²² Wər ilkem ad əlasan aytedan
 tesalay daɣ əɣrəm wen
 i səwat win əganen əs təhərdənt wala asak,
 wala win əganen əs təsənsəq, wala esək.
 Wər ilkem a daɣ-as itiwənay əşşəxəl
 wa n əfus, wala win tu-tagginen.
 Wər ilkem a daɣ-as itiwəsla y əməsli
 n azed n attayam.

²³ Wər ilkem a daɣ-as imilawlaw
 ənnur ən fətəla
 za wər ilkem a daɣ-as ilas ətəwəsla
 y əməsli n əmərmuş əd təmazlayt-net.
 Amaran ənta da əddəlil wa fəl iga adi:
 "Kəl jola-nak, əntənay a ogarnen
 təla ən batu daɣ əddənet kul,
 işayawan-nak deɣ əssixrakan şimattiwen kul.

²⁴ Kay aɣrəm wa n Babəylon,
 a daɣ itawənɣal əzni n ənnəbitan
 d əzni ən mizdagan ən Məşşina
 d aytedan kul win tawənɣanen daɣ əddənet."»

19

Təmmalen əgānen daɣ batu n əhluk ən Babəylon

¹ Dəffər awen əsleɣ daɣ jənnawan y arat olān d əməsli issohen n əljəməɣat tagget təgannit:

«Alleluya!

Efsan, əd tanaya,

əd tarna in Əməli-nana Məššina,

² fəlas əlxəkuman-net tidət a əmosan, oɣād deɣ.

Obaz s əššəriɣa-net təkərwat ta labasat

təssəxrakat əddənet əs tišit-net təməggit n əzzəna,

izzəzal deɣ azni ən nəɣbidan-net

wa inɣal əfus ən təkərwat ten.»

³ Təlas əljəməɣat ten tənna:

«Alleluya!

Əhu ən təmsay ta təsaqqadat aɣrəm wen,

ill-ay har faw.»

⁴ Təzzar garaffen əmɣaran win sanatat təmərwən d əkkəz, əntanay əd mudaran win

əkkəz, əɣbadan Məššina, iqqiman fəl təxawit ta

n təɣmar-net, gannin:

«Amin! Alleluya!

Təmmal i Məššina!»

⁵ Igməd-du əməsli təxawit ta n təɣmar en, inna:

«Agiwat təmmalen y Əməli-nana,

ketnawan inəɣbidan-net, win t-əksudnen

gər win wər nəla almaqam wala win t-əlanen!»

Takrəst n Əjəmar

⁶ Təzzar əsleɣ y arat olān d əməsli ən tiddawat tagget, olān d əjit n aman aggotnen, ola deɣ d eggagan labasnen as inna:

«Alleluya!

Fəlas Əməli Məşşina di ən məşşis ən tarna,
issəbdad taymar-net.

⁷ Fəliwəsətana, naknu tədəwit, nəssəxmər

Məşşina,
fəlas izəzlay n Əjəmar ewadan-du,
amaran təmazlayt-net təsimatag.

⁸ Tətawakfa tabdoq ən lin wa n ələsəl,
itibələzzen, iqqitasan, y a tat-talsu.»

Tabdoq ən lin wa ihossayan en, almayna-
net imazalan oğādnen win əgan mizdagan ən
Məşşina.

⁹ Inn-i angalos ad əktəbağ as: «Əbbilalan win
tawaxranen s ad əggəzan izəzlay n Əjəmar!»
Dəffər adi inn-i: «Batuten ən tidət awa əs
Məşşina iman-net as tanat-iga.»

¹⁰ Təzzar garaffe çur daran n angalos wen
y ad t-əxbəda, inn-i: «Alak! Ad wər tagay
adi! Nak ənaybid ən Məşşina a mosa wa da
təmosa kay əd mədrayan-nak əd təmədrayen-
nak a tagayyatnen fəl Ƴaysa. Məşşina as kay-
iwar a tu-təxbəda. Amaran, təgəyya fəl Ƴaysa,
almayna-net emel ən salan ən Ƴaysa win d-
izazzabbat Infas wa Zəddigan.»

Ənəfilal n awedan iwânan ays mallan

¹¹ Dəffər awen oggeç ijənnawan as
ənnolaman, ih-en ays mallan, amaran wa t-
iwanan esəm-net «wa imosan Alyadil, imos
Tidət». Elxəkuman-net oğādan, itamagar deç
fəl tidət.

¹² Şittawen-net əmosnat zun abalagleg ən
təmsay, eçaf-net əwarnat-tu təkəbba ən taymar

aggotnen. İktâb fall-as esəm as wər t-illa i t-issânan ar ənta.

¹³ Amawan n ays wen esəm-net «Awal ən Məşşina», amaran ilsa tabdoq təlmâxat dağ əzni.

¹⁴ Elkâman-as gənan ən jənnawan əwannen əggəsan mallolnen. Ketnasan əqqânan tabdoq ən lin wa n ələsəl, iqqitasan, igân təməllay təsiraqçet.

¹⁵ Təgmad-du takoba təkñât tawala imi ən wa iwanan ays en, fəl ad tanxu şimattiwen n əddənet. Amaran wa iwanan ays en ad ixkəm fəl təmattiwen n əddənet əs taɣmar təkñât assahat. Ad azmu alɣanab dağ təgdayt zəwwərat y a sər-əs agu esmad immittalan alham labasan wəllen ən Məşşina di ən Məşşis ən tarna.

¹⁶ Təkadkat-net əd taɣma-net iktâb fall-asnat «Əmənokal ən mənokalan d Əməli ən malan.»

Ənəfilal ən saksas zəwwəran ən matsən ən təməxsə

¹⁷ Dəffər awen oggeɣ angalos ibdâdan dağ təfuk. İsaɣyarat s əməsli issohen wəllen i gəɟad kul win əggadnen dağ təsəggərigərəyt ən jənnawan, inn-asan: «Ayewat, idawat-du ketnawan i mensewan əknânen igət win Məşşina,

¹⁸ fəl ad tatşim şiməxsə ən mənokalan əd muzaran ən sojitan, əd nammagaran, əd təməxsə n əggəsan əd win tan-əwannen, əd təməxsə n aytedan kul, gər wa imosan əlləlli wala akli, gər wa wər nəla almaqam wala wa t-ilan!»

Ənəfilal n əmudar d ənnəbi ən bahu

¹⁹ Oggeɣ əmudar səksədan, əd mənokalan n əddənət, əd gənan-nasan əddewan y ad ammagaran əd wa iwanan ays, d agan-net.

²⁰ Təzzar ittərmas əmudar ittərmas deɣ ənnəbi ən bahu wa dər iddew. Ənnəbi ən bahu wa, iga aɣalamaten zawwarnen dat əmudar wen. Emmək en daɣ as issəxrak win iwar ejwal n əmudar, əɣbâdan deɣ šaššelan-net. Əmudar wa, ənta harkid ənnəbi ən bahu wa, tawagaran da əddâran daɣ aɣazar ən təmsay d adaɣas-əntahart irɣân.

²¹ Awa d-iqqiman daɣ agan wen ketnet tənɣ-ay takoba ta du-təgmadat imi ən wa iwanan ays. Təzzar əyyəwanan gəɟad wəllen daɣ təməxsanasan.

20

Ənəfilal n əməxluk iqqânan har əgim n awatay

¹ Dəffər awen oggeɣ angalos itazabbat-du igmâd-du ijənnawan, ittâf daɣ əfus-net təsassarut n əɣəɣi wa wər nəla eder, ittâf deɣ asassar zəwwəran.

² Obaz əməxluk, a t-imosan aššol wa irəwan, a imos Iblis, itawann-as deɣ Aššaytan, ig-as tewaxnay a za tagit agim n awatay.

³ Igar-tu angalos daɣ əɣəɣi wen, ihar-tu fall-as, iɣfal-tu s əlluy fəl ad wər iles əsəxrək ən təmattiwen har agu agim n awatay. Dəffər awen ilzâm ad annalam ammaru har arat n azzaman.

Ənəfilal n ətəwərna n Aššaytan

⁴ Oggeɣ šixiwa ən taɣmar. Win fall-asnat əqqimnen əgrâwan tarna n ad əqqəlan

imaşrağan. Oggeş iman n aytedan win as tawasaben rawan-nasan fəl əddəlil ən təgəyya tolâxat ta taggin daş batu ən Ƴaysa d awal ən Məşşina. Oggeş deş aytedan win wər nəxbed əmudar wa səksədan za wər əssəjadan i şaşşelan-net, wər tawajajwalnat təkannaren-nasan wala ifassan-nasan. Aytedan win den əqqalan-tan-du man-nasan, namaggazan taşmar d Elməsix, amaran awen ad agu agim n awatay.

⁵ Ənta den da tanakra ta tazzarat ən nəmməttan. İnəmməttan win hadatnen, wər d ənkeran har inda əgim n awatay wen.

⁶ Əbbilalan aytedan zaddognen win d-ənkarne daş tanakra ən nəmməttan ta tazzarat! Aytedan win di wər tan-in-təkka Jahannama əd wala! Əntanay a z'əqqəlne ilimaman ən Məşşina d Elməsix, amaran a dər-əs nəməggəzan taşmar-net har agim n awatay.

⁷ As inda əgim n awatay wen, a d-itəwəyyu Aşşaytan daş kasaw wa iha,

⁸ aglu ad isaxrak şimattiwen a əwarnen tesayt n amađal, əmosnen Yajuj əd Majuj. A tan-d-işşidəw y əməgər, amaran əgân igət wa n təblələn n amađal a dabayyaknen daş afay n agaraw.

⁹ Əssəwalan əddənet ketnet, əbazan aşrəm wa iknan ətəwəra, şalayşalayan imizdagan ən Məşşina. Mişan təzzəbbat-du təmsay daş jənnawan, təsarrakammət-tan.

¹⁰ Iblis s ənta dasan-azzaran, isaxrak-kan, itawagar daş aşazar ən təmsay təgât s adaşas-ən-tahart wa iha əmudar d ənnəbi ən bahu.

Den day a dasan-z-itəwəggu ətəwəzəxəzzab səksədan ehad ezal har faw.

Enəfilal n əššəriya ən Məššina

¹¹ Ogge təxawit ən taymar təknaŋ təzzəwwərt, təkna deŋ təməllay, əd wa fall-as iqqiman. Eddəggagan-as jənnawan əd mədlan, əggugan-tu, wər d-oyyen wala ədəriz.

¹² Dəffər awen oggeŋ inəmməttan win wər nəla almaqam, harkid win t-əlanen əbdādan dat təxawit ta n taymar en. Ənnolaman əlkəttaban. Innolam əlkəttab iyyan s ənta a imosan əlkəttab wa n təməddurt. Tawaxkaman nəmməttan s awa ihan əlkəttaban win den, ewāl awen əs mazalan-nasan.

¹³ Ikfa-du agaraw inəmməttan win t-əhanen, təkfa-du təmattant d alaxirat inəmməttan win-nasnat, itawaxkam akkiyyan day-san əs mazalan-net.

¹⁴ Tətawagar təmattant d alaxirat day aŋazar ən təmsay. Aŋazar ən təmsay wen ənta a imosan Jahannama.

¹⁵ Awedan ketnet was wər ikteb esəm-net day əlkəttab wa n təməddurt, itawagar day aŋazar ən təmsay wen.

21

Enəfilal ən jənnawan d amaḍal win aynaynen

¹ Dəffər awen oggeŋ ijənnawan aynaynen, d amaḍal aynayan. Ijənnawan win ərəwnen, d amaḍal wa irəwan, ab'as t-əllan, igərwan deŋ ab'as t-əllan.

² Təzzar oggeŋ aŋrəm wa zəddigan, a t-imosan Yerusalam ta taynayət, tətazabbat-du

dağ jənnawan, issigl-et du Məşşina. Təsimatag zun təmazlayt təgât əddəluga-net win hossaynen y ad tammanay d aləs-net.

³ Əsleḡ y əməsli issohen a d-igmâdan təxawit ta n taymar igannu:

«Əmərədda ehan ən Məşşina illa gər aytedan.

A dər-san inəməxsər, əqqəlan şimattiwen-net.

Məşşina iman-net as ḡur-san z'iməl, iqqəl Əməlinasan.

⁴ A dasan-iməs id t-əllân məttawan,

ib'as tu-təlla təmattant,

wala təweşkənt, wala təkurayt, wala tisanant,

fəlas aratan win d-azzarnen, ab'as t-əllan.»

⁵ Inn-i wa iqqiman fəl təxawit ta n taymar: «Ənəy! Aratan kul sammattayaq-qaḡan əge win aynaynen.» Təzzar inna: «Əktəb, fəlas batuten şin əssiflasnat, əmosnat deḡ tidət.»

⁶ Inn-i: «Arat wa, iga! Nak a imosan Alfa, əmosaḡ deḡ Omega, almaḡna wa azzaran ilkâm. Wa iha fad, nak a das-z-agin təhəkkut təmosat tessay daḡ şat ta daḡ du-naggayan aman win sidurnen.

⁷ Awedan kul wa d-ornan, a ḡur-i igrəw aratan win, əmosan-as təhəkkut, əqqəlaḡ deḡ Əməlinet, iqqəl barar-in.

⁸ Mişan awedan wa imosan əddəyyus, d aytedan win wər nəḡdel əd win tamazalnen awa labasan əd maggan ən man əd win tagginen əzzəna əd maşşayawan əd naḡbidan n əssənəman əd nəsbuha kul, əntanay tədagartnasan iguz ən Jahannama təmosat aḡazar ən təmsay tərḡât s adaxas-ən-tahart.»

Awa inafalalan i Yaxya alwaq wad iwar adxaq wa zəwwəran: Yerusalem ta təynayət

⁹ Təzzar ikk-i-du iyyan daq angalosan win əssâ əttâfnen əssayət təkərwasen şin ədnaynen əssa alwabatan win əlkamnen inn-i: «Iyyaw, a kay-assaknaq tantut ta n təmazlayt n Əjəmar.»

¹⁰ Eway-i angalos s afalla n ədxaq iyyan zəwwəran, zagren, tobaz-i tarna n Infas wa Zəddigan, issəkn-i aqrəm wa zəddigan, a t-imosan Yerusalem, a d-izzibben daq jənnawan, ifal-du qur Məşşina.

¹¹ Aqrəm wen igrâw tanaya ən Məşşina. Iga əmələwləw a n təhunt təlât almaqam as itawannu jasfa, təgât əxətəs wa n təlfənjart.

¹² Iqlay-tu aqalla zəwwəran zagren, ilân marawat təsəhar əd sanatat a qur əllân maraw angalosan d əşşin. Şisəhar şin den əktâban fall-asnat esmawan ən marawat tawşeten əd sanatat şin maddanəs n İsrayil.

¹³ Taqərt n aqalla en ta n dənnəg təla karadat təsəhar, ta n tamasna dəx təla karadat, ta n agala təla karadat, ta n ataram dəx təla karadat.

¹⁴ Aqalla wen ila marawat təsəttəytay əd sanatat a das-əmosnen şiqurad, amaran əwaran-tanat maraw esmawan d əşşin əmosnen esmawan ən maraw nəmmuzal d əşşin n Əjəmar.

¹⁵ Angalos wa di-işşewalan ittâf əsəkət imosan agabal ən telant igân daq urəx y a sər-əs ikət aqrəm əd təsəhar-net, d aqalla wa t-iqlayan.

¹⁶ Aqrəm wen ogda fəl gannatan-net kul win əkkoz. Tamawen-net kul togda təzzəgrət-nasnat, harkid sa sər afalla. Ikat-tanat angalos

s agabal wa n uræx en, æqqalnat æššin gim ən kilaw æd sanatat tæmad.

¹⁷ Ikat angalos tæzzægræt ta n afalla n aɣalla wa iɣlayan aɣræm en, iqqal temeday n æɣil d ækkozat tæmærwæn d ækkoz. Takkot ten ig-et angalos s æmmæk was tat-taggin aytedan fawda.

¹⁸ Aɣalla n æɣræm wæn igâ æs tæhun æhossaynen ælânen almaqam as itawannu jasfa, aɣræm amaran iman-net iga daɣ uræx wa izdaran igân æɣætæs wa n tælfænɟart.

¹⁹ Šisættæytay šin æmosnen šixurad n aɣalla ædlâgnat s æzzænæfan ən tæhun kul šin hossaynen ælanen almaqam. Tæsættæytæyt ta tazzarat tæga daɣ jasfa, ta n sanatat tæga daɣ tæhunt as itawannu safir, ta n karadat tæga daɣ tæhunt as itawannu kalsaydun, ta n ækkozat tæga daɣ tæhunt as itawannu emrod.

²⁰ Ta n sæmmosat tæga daɣ tæhunt as itawannu onæyks, ta n sædisat tæga daɣ tæhunt as itawannu sardwan, ta n æssayat tæga daɣ tæhunt as itawannu kærzolit, ta n ættamat tæga daɣ tæhunt as itawannu beril, ta n tazayat tæga daɣ tæhunt as itawannu tofaz, ta n marawat tæga daɣ tæhunt as itawannu kærizofæraz, ta n marawat d iyyat tæga daɣ tæhunt as itawannu hæyasint, ta n marawat æd sanatat tæga daɣ tæhunt as itawannu ametist.

²¹ Šisæhar šin marawat æd sanatat en, marawat tæhun n æljuhær æd sanatat a daɣ æganat. Ækkulluk ən tæsæhært tæga daɣ tæhunt iyyadda n æljuhær. Amaran tarrayt ta zæwwærat n æɣræm en, tæga daɣ uræx wa izdaran igân æɣætæs a n tælfænɟart.

²² Aɣræm wæn wær daɣ-as hænnøya ehan n

əlxibada. Awalla Əməli Məşşina di ən məşşis ən tarna a imosan ehan-net wa n əlxibada, ənta d Əjemar.

²³ Ayrıəm wen wərməd iddirar s ənnur ən təfuk za wala wa n təllit, fəlas tanaya ən Məşşina a tu-təsammalawlawat, amaran Əjemar a imosan ənnur-net.

²⁴ Ənnur-net a dağ-as jəwənkətnat təmattiwen, asin-t-idu mənokalan n əddənet əssəxməran-tu.

²⁵ Şisəhar n əyrıəm wen wər əhhirnat dağ təzzəgrət ən jilan, amaran wər ilkem ad əhârnat fəlas ehad s ab'as t-illa.

²⁶ Şimattiwen n əddənet kul a d-awəynat s əyrıəm wen aratan a tu-z-akfinen tanaya d ətəwəsəxmar.

²⁷ Wər tu-z-iggəz a immidasan, wala dəy i itamazalan talbast, wala bahu. Kalar wər tu-z-iggəz ar win as əktaban əsmawan-nasan dağ əlkəttab wa n təməddurt n Əjemar.

22

¹ Təzərəst n awen as di-issəkna angalos agarew was əhakkin aman-net təməddurt, əgân aman-net əxətəs a n təlfənjart. Aman win əngâyan-du dağ təxawit ən tağmar ən Məşşina d Əjemar,

² əkkan-du ammas ən tarrayt ta zəwwərat n əyrıəm. Şigadamayen n agarew wen əwâran-tanat eşkan win əhakkinen təməddurt tarawnen maraw əzzənəfan n aratan d əşşin, əkkulluk ən təllit. İfərkak n eşkan win, zuzəyan şimattiwen n əddənet.

³ Ayræm wen wær tu-z-iggæz arat tæwâr tulÿant. Tæxawit ta n taÿmar æn Mæššina d Æjemar ad tæggæz ayræm en da, tæÿbæd tamattay-net Mæššina.

⁴ Aytedan win æhanen ayræm wen ad ænøyan udæm n Æmæli, iktæb deÿ esæm-net fæl tækannaren-nasan.

⁵ Wær z'ilæs ahad igi, za wær z'ælæsan addararat s ænnur æn fætæla, wala ænnur æn tæfuk, fælas Æmæli Mæššina a tan-z-isæmmælæwlæwan, amaran æxkæman har faw.

Tæsæxtæmt: Assa æn Ƴaysa

⁶ Inn-i angalos: «Batuten šin æssiflasnat, æmosnat deÿ tidæt; Æmæli Mæššina, s ænta a imosan Æmæli n ænnæbitan a d-issæglan angalos-net fæl ad assaknu inaÿbidan-net arat as kundaba iga daÿ azzaman wær næggug.»

⁷ Inna Ƴaysa: «Ænøy! Æzayaÿ-in tarmad! Ibbilal wa izzægzanan ibbirdag deÿ i batuten a nafalalnen daÿ ælkættab wa æmosnen isalan n aratan win æmæredða æd win d-æzaynen!»

⁸ Nak Yaxya a islan y aratan win, amaran ænâyaq-qan. As æsleÿ y aratan win, ænayaq-qan, fataqqeÿ ður daran n angalos wa di-tan-issæknan y ad t-æÿbæda.

⁹ Mišan inn-i: «Alak! Ad wær tagaÿ adil! Nak ænaÿbid æn Mæššina a mosa šilat-nak kay æd mædrayan-nak win ænnæbitan, æd win æbbærdagnen y awal wa ihan ælkættab wa. Æÿbæd Mæššina!»

¹⁰ Dæffer awen inn-i: «Ad wær tæÿbæra isalan win nafalalnen daÿ ælkættab wa æššewalnen daÿ

batu n aratan win əmərəddə əd win d-əzaynen, fəlas alwaq ihoz!

¹¹ Wa wər noyed, agliwet dəy iba n taqqat-net, wa immədasan, agliwet dəy ammadas-net. Wa oyardan amaran agliwet dəy taqqat-net, wa zəddigan dəy işšitiwet tazdak.»

¹² Inna Ƴaysa: «Awalla! Əzayax-in tarmad, amaran ewayax-in ərruzmatan-in y ad akfəx awedan kul arozan win tu-šəššawadan mazalan-net.

¹³ Nak a imosan Alfa, əmosa dəy Omega, almayna wa azzaran ilkâm, təsəntit əd təzərəst.

¹⁴ Əbbilalan win rabbaznen šikadkaden-nasan zazdagan-tanat fəl ad əgrəwan alxaq dəy ašək wa n təməddurt, əggəzan dəy axrəm wa zəddigan ən əs təsəhar šin as itawaggaz!

¹⁵ İdan əd maššaxawan ədəganet sədi, əntanay əd maggan n əzzəna əd maggan ən man əd naɣbidan n əssənəman d awedan kul wa iran bahu itag-ay!

¹⁶ Nak Ƴaysa, əssiglaɣ-in angalos-in y a dawan-itagayyat dəy Əlkənīsaten fəl aratan win di. Nak əzzurrəyya ən Dawəd a d-əgmada, əmosax atri imilawlawan wa d-igammadan s axora.»

¹⁷ Inna Infas wa Zəddigan əd təntut ta n təmazlayt: «Asa-du!» I isallin kul anniwet: «Iyyaw!» Wa iffudan kul asiwet-du. I iran adi kul ašwet aman win sidurnen tawagrawnen wala inazzan!

¹⁸ Nak iman-in Ƴaxya, əggəyyeɣ y awedan kul wa islan isalan win nafalalnen dəy əlkəttab wa əššewalnen dəy batu n aratan win əmərəddə

əd win d-əzaynen as: I iššotan arat fəl salan win, a das-iššitu Məššina daḡ albalatan win əttəmalnen daḡ əlkəttab wa.

¹⁹ I daḡ-san ikkasan arat deḡ, ad ikkəs Məššina adagar-net daḡ ašək wa isiduran d əḡrəm wa zəddigan win əttəmalnen daḡ əlkəttab wa.

²⁰ Wa igəyyen fəl aratan win, isattadd-en, inna: «Awalla, əzayaḡ-in tarmad.» Amin! Iyyaw, Əməli Үaysa!

²¹ Ya Əməli Үaysa təkfeq-qawan arraxmat ketnawan.

